

LE
BENEFICE COM-

mun de tout le monde, ou sont con-
tenues plusieurs Souuerainetez, pour
la conseruation de santé, ensemble le
naturel de plusieurs sortes de pillules,
huylles, & baufme, avec la proprieté
des Herbes & Plantes communes.



Par M. Leonard Fuschs.



A PARIS,
Par Iean Ruelle, demourant en la Rue
S. Iaques, à l'enseigne S. Nicolas.

1564





AV LECTEUR,



My lecteur, le comble des vertus luisantes m'a incité de vous supplier humblement qu'il vous plaise aduouer & auctoriser ce petit traicté par moy transcript de sortir en public nonobstant a ce chose aucune, qui me puisse mouuoir de l'arrester & supprimer. Car en premier lieu ie sçay q ny pëserez trouuer les fleurs ou perles de la lague frâçoise, attédu que le subiect d'iceluy est aussi loing d'elles qu'elles sont familiares aux translateurs d'Histoires, & de beaux comptes faictz a plaisir, que nous auons pour le iourd'huy: lesquelz ne sont cōtrainctz d'enseigner seulement (cōme i'ay esté en ceste entreprinse) mais aussi peuuent orner, pindarizer, & trancher elegances selon leur fantasie. Et toutesfois i'ose affermer qu'il est tel quiconque en fera lecture attétiue s'il n'est ennemy de sa propre santé, il en tirera grand profit, & ne sentira defraudé de toute volupté. Non

que ie vueille donner à entendre que ces po-
incts soient yssus de moy, car ie n'en veulx &
ne doy frustrer les Autheurs hommes de sça-
uoir, fort exquis en l'art de medecine, com-
me il est assez donné à cognoistre. Et veulx
bien que le Lecteur muni de bon vouloir sa-
che qu'il m'a esté besoing de conferer cest o-
puscule en plusieurs lieux avec Hippocrates,
Dioscoride, Aristote, Galien, Plin, & autres
grand nombre des anciens & modernes, des-
quelz il a esté extraict. Le dis besoing tât pour
la dignité de la matiere que pource aussi que
les exemplaires qui se recourent ne sont par
tout si curieusement correctz qu'ilz debue-
roient estre. Oultre ce i'ay voulu vsurper qua-
si tousiours le plus commun lāgage, au moins
mal qu'il m'a esté possible ia soit qu'il ne soit
si aysé (ainsi que sçauent Medecins speciale-
ment) deprimer plusieurs choses, desquelles
icy est faicte mention en Francoys vulgaire,
Comme il pourroit estre en latin. Or à fin de
finir comme i'ay commencé, ie vous supplie
de rechef de vouloir receuoir le tout avec vo-
stre humanité & bonté, Priant Dieu par sa
grace qu'ainsi soit.

La premiere partie du Benefice commun
de tout le monde, ou est declaré vn pe-
tit formulaire pour l'entre-
tenement de
santé.



Nous mangeons donc & beu-
ons ordinairement pour re-
parer la dissipation continue
& fluxion de nostre substance
corporelle tant que possible
est faire: à laquelle fluxiõ par
la dure loy de nature sommes
suiectz maugré nous iusqu'au dernier poinct
de la vie & accez de la mort la portion hu-
mide d'icelle substance (qui tousiours s'eva-
pore & descoule de nostre corps) est restaurée
en beuuant, la ferme & solide en mangeant.
Et en ces deux cas si l'homme ne se veult re-
gir curieusement sans rien obmettre de ce
qui est expedient & necessaire: certainement
il auance beaucoup sa vieillesse, & tombe à sa
destruction inenitable. Or de paour qu'ainsi
ne t'aduienne à despourueu.

Premierement, tu ne doibs iamais manger
sans faim, & appetit: car la viande desmesu-
rée nuit grãdement, & se cõuertit facilement
en mauuais suc. Et congnoistras ton appetit
estre commode par la legiereté des parties su

perieures, & par l'estimatiō du temps de l'abstinence qu'auras au parauant gardée.

Semblablement quand cest appetit & faim s'offrira, ne differes a repaistre: car souuent la ieusne obstinée, est cause que l'estomac de to^e costez amasse plusieurs humeurs corrompuz, en deffault de meilleurs, dont apres il reçoit fort grieues maladies.

Plus, tu ne dois te remettre à māger, n'ayāt encore digeré ta premiere viande: car disner ou souper la panse encore pleine, cause groz humeurs & espes, dont consequemment s'engendrent ces affectiōs suyuantēes à sçauoir volunté de vomir, gouttes es piedz & ioinctures vices de reins & vessie, tranchées & autres.

Outre ce, en yuer vse d'alimēs chauds & de forte matiere, à sçauoir desq̃lz la coctiō n'est si tost parfaicte, & nourrissemēt est plus grād au contraire en esté: auquel temps prédras ta refection au matin, lors que l'air est mieux tēperé, & en yuer, sur le midy. Mais i'entēs que tu ne te saoules trop de tes alimēs car la multitude d'iceux est reprouuée, à raison qu'elle charge fort l'estomac, enfle les flans, remplit les boyaux de vētositez, rend l'esprit hebeté, pesāt & endormi cause mauuais sōges, apparence de vomissemēt, & agitatiō. Il y a pareille

raison, quand au boire : Car s'il excède de la viande, il est fort dōmageable, & fait nager icelle en l'estomac.

D'auantage, māge les choses crēuses & delicates les premieres car elles amolissent le ventre:& postpose les plus grosses & dures. Si toutes fois long tēps y a, que ton estomac soit vuide, & que tu ayes grand faim, le meilleur pour toy sera l'opposite.

Aussi apres qu'auras prins trauail & grand exercice laisse la telles friādises, & celles mesmemēt que l'on fait de poisson, iusqu'a ce que seras reuenu à toymesme, & ne sentiras plus trauaillé ne fatigué.

Et si tu as l'estomac debile, & qui ne puisse souuent bien digerer, contente toy de māger vne seule fois pour iour, au matin ou au soir selon ta coustume, i'entens de manger assez peu & sans tenir longuement a table.

Questi d'auenture tu auois trop disné tu ne souperas point, & au rebours si tu as trop soupe ne disneras point le lendemain. Ou prendras quelque petit cas seulement pour contēter nature. Et si à cause du mesmes excès, tu te trouuois fort alteré, ie te conseille de dormir plus que n'as accoustumé, & d'aualler vn peu d'eau froide.

En outre s'il te prend grande enuie, de quel que chose que ce soit combien qu'elle n'ayt sa part au bon suc, goustes en hardiment moyenant que tu en ayesquelque autrefois vsé: car ta nature l'acceptera pour agreable & par ainsi aisément la digererá.

Neantmoins en cela sois discret: pour autāt que le comble d'humeurs malins, facilement est le commencement de grandes maladies.

Finablement n'vse trop de viande qui causent gros suc, comme sont legumages (entendu toutesfois que le ius de pois chiches rouge n'est à vituperer) comme aussi est la chair de Boeuf, de Porc, & d'Oiseaux de riuiera, le fromage vieil, toutes friandises ou fromage & sans leuain: en somme toutes semblables choses qui engendrent ventositez & font le sang melancolique.

Autrement quand tu desireras en vser pour ras prendre ensemble les remedes qui seruent à donter leur malice, desquelz ie delibere faire mention cy dessouz Dieu aydant, Pain de fromēt leql est receu aujour d'huy de toute la noblesse & sans doute est le pl^r salubre & naturel, & s'appelle pain de bouche ou de chapitre. Ce pain (par l'autorité d'Hippocrates) produict plusieurs effectz en no^r selō q'l est di-

nersement preparé. Parquoy nous estimons estre le meilleur celuy qui est faict de bon blé recueilly en lieux mōtueux, & de farine pure & recente sans nulle ordure, & sans le son: & qui est si bien leué cuit & pestry, qu'il soit facile à digerer, & salubre à nourrir.

D'auantaige le pain encore fraiz & tout chaud, à raison de sa bonne odeur, aide à ceux qui ont mal de cœur, & à gēs melancoliques: & si on le menge en la sorte, specialement la crouste il desseiche le corps, & accroist la melancolie.

Le pain fait de farine non criblée est sec, & irrite le ventre.

Le pain non leué nourrit beaucoup & lasche moins: Item il estoupe & est de tresgros aliment, & digestion difficile.

Le pain de grosse matiere, ayant vn peu d'arniz ou de fenouil est le meilleur entre tous pource que c'est le plus moite, & qu'ilz rompt les ventositez.

Quand est du vin pour plusieurs causes, n'en tiendrons si lōg propos ioinctz que vouloit manifester toutes ces differēces, couleurs & forces seroit chose penible & infinie: grande consideration est requise, pour cōnoistre si le vin peult plus profiter à beaucoup de gēs

que leur nuire & si le boire sert plus tost de secours, que quelque fois de poison. Outre ce, il est impossible d'expliquer toutes les especes de vins, veu que les Medecins n'en sont d'accord entre eux, & que chacū en veut iuger selon son goust. D'auantage, par espace de tēps les appellations des vins, la sorte de les faire. L'vsage : la mode differente de les cōtregarder, les terroirs qui les meliorēt, toutes telles choses en sommes dignes d'estre sçeues, maintenant sont variables & incertaines.

Dōc puis qu'ainsi est que nostre propos n'est d'agiter icelle question, (de paour qu'il ne sēble que voulions monstrier ce que tous studieux ont pieça entendu par grās personnages qui ia s'en sont meslez) nous parlerons seulement des vins plus vsitez en France & plusieurs autres lieux circonuoisins: à sçauoir de ceux qui sont plus necessaires a la tution de santé: & pour les mieux choisir, no⁹ les distinguerons briuelement par les genres, couleurs & facultez.

Les âciēs & modernes ont mises trois principales sortes de vins: & les ont nommées vin doux, vin austere ou aspre, & vin legier ou subtil, qui est entre le doux & aspre.

Item quatre couleurs, à sçauoir vin blanc

vin fauuet ou paillet vin vermeil & vin noir, autrement fort rouge & couuert.

Le fauuet approche au blanc, & le vermeil au noir. Car les couleurs se changent es vins, d'autant que celles qui sont colloquées au milieu s'esloignent plus ou moins des deux extremitez à sçauoir du blanc & du noir. Pour laquelle raison on peult arguer, qu'il y a d'auantage tant de couleurs que de différence de vin desquelles certainement doiuent estre distinguées nō par espeſse mais plus tost (tesmoïg Galien) par leur grande ou moindre qualité, pour autant que tous vins ne peuuent reculer beaucoup des dictes extremitez.

Or le vin naturellement doux, est de substance grosse & terrestre, & le rouge encore plus que le blanc. Pour ceste cause il est moleſte à digerer. il enfle, & neantmoins enyure peu. Il est de fort nourriſſement, & engendre humeurs malins meſmement au melancolique il tronble le cerueau le ventre & les boyaux, comme le mouſt (& pource on le boit volōtiers à l'entrée du repas) il s'arreste assez longuement aux intestins, y faisant abondance de vent il offence le foye & la Rate, pourtant qu'il les oppile aiſément. Toutesfois il conuient aux poumons & aux temperamens

melancoliques à raison qu'il eschauffe, & humecte.

L'austere & rude, principalement s'il est blanc attendu qu'il ne soit tant debile qu'est eau, ne tant violent aussi que peult estre vn vin puissant souuentefois est en vſage pour corroborer l'estomac. Quand on le boit tout pur & simple il penetre pluſtoſt par lesvaines qu'il ne feroit autrement, & met en appetit, & endort & enteste moins que les autres.

Or n'est il soudain distribué par le corps, ains retient le ventre, & autres fluxions: & est d'assez petite nourriture. Sache plus, qu'un vin blanc & austere ensemble comme Galien afferme n'estre diuretique, c'est a dire qu'il n'a vertu de prouoquer l'vrine.

Le leger ou subtil qui est entre les ditz doux & austere, est profitable à l'estomac: car il le sustente souuerainement bien, il va legerelement par tous membres, il est tresexcellent en bonté de suc, tant pour gens sains que malades.

Il incite à pisser, & entre autres choses faict mal en teste, & enyure s'il excede raison. Parquoy il n'est commode à boire au matin, ny a ieun: car il oste toutes cures & soucy: & rend l'esprit de l'homme sopit & sans vigueur, qui

toutesfois veille tousiours naturellement, & est congneu en affaires presentes. Dont aduient que le plus souuent ceux mesmes qui se doiuient montrer les plus sages & prudens facilement sont par luy auenglés.

Le vin blanc semblable à l'eau en couleur, & aucunement en vertu : car il n'est si chaud que les autres. Il est gentil aux passions de vessie, à raison qu'il trauerse incontînét iusques là, & auance l'vrine.

Il charge peu le cerueau, & est tressalutaire à gens coleriques & sanguins, à ceux qui sont chaudz de nature ou par quelque accident en chaulde saison à ceux qui ont le foye trop chaud, & mesmement aux estudians, pource qu'il est petit & non fumeux.

Le fauuet ou paillet, qui approche du blanc a la couleur (comme auons dit) n'est en vertu trop distant du vermeil lequel à tous ces nōs, diuers, vin sanguin, vin rouge, vin aunaistre, vin de couleur de cerises, en françois proprement vin claret : & ledit vin fauuet à facultez mediocres entre le vin blanc & le noir : Et sont pareilles à celles du vin leger parauant recitées. Or cōbien que le vin vermeil surmōte ce fauuet en chaleur si n'est il pas si delicat pour tant que l'air passe mieux par le corps trans-

parent dont on croit que les grappès de raisins noirs, sont plus tardiues a meurir, que de blancs.

D'auantage, on dit communement que bōnes testes ne se sentent pas de telz vins, mais que les espritz de l'homme en sont clarifiez, augmentez & renduz plus propres pour vacquer a tout art & contemplation.

Parquoy ce n'est merueille si plusieurs gens famez en bon scauoir & hautes entreprinſes, ont aimé le bonvin, & certes cōuient vſer de telz vins, qui veult bien garder ſa ſanté ſpecialement en temps froid.

Et les fault choiſir excellens en odeur, en ſauueur mediocres entres le doux & aſpre de couleurs ſauuets, vermeils, & fort clairs : leſquelz eſtans verſez en raſſes voyés petiller, ietter petites bulles au deſſus qui ſ'en vont toſt, & auoir par mieux ie ne ſçay quelz menuz corpuscules telz qu'on voit voleter eſrayons du Soleil.

Or ſi ces vins ſont tant plaiſans & vertueux, combien doiuent eſtre deteſtables, ceux qui ont le gouſt naturellement ſi diuers, comme ceux qui ſont participâs du doux & de l'aſtre? leſquelz vrayement ſont d'autant dange-reux (ſelon Galien,) que & Friâs delicatz a

boire. Pareillement il appert combien il est mauvais à tout le monde de brouiller & mixtionner plusieurs vins ensemble, comme font les tauerniers qui ordinairement font trois vins & n'est pas sans raison qu'un incongneu en a escript quelque traité de leur loyauté.

Au demourant, les vins poulsez, & qui s'en aigrissent iacoit que le vin ayt celle propriété naturelle sont les pires d'entre tous.

Le vin noir & fort rouge, pource qu'il est de substance grosse & terrestre, appesentit fort la personne, cause obstructions de foye & rattle, desgouste & engendre cruditez d'estomac: & ce plus ou moins selon qu'il est plus noir ou espes: parquoy le trempé enyure plus tost que le pur. Galien a dit que tout vin doux est noir: car de son temps nul vin blanc estoit doux. Dequoy on peult coniecturer que de nostre aage on a trouué plusieurs sortes de vin par diligence inquisition de toute superfluité & exces. Quelques vns autresfois ont cuidé, que le vin n'a esté faict sinon pour se venger de l'homme voyans qu'il peut mettre l'homme iusques hors des gons de son sens: Ausquelz Platon diuin repugne, & dit tresbié le vin de soy estre innocent si l'esperit de cil qui en vse est modeste & si le corps est en san-

ré car le vin soutient la force, & entretient le sang, la couleur belle, & l'appetit distribuant l'aliment par chacune partie corporelle. Pl^{us} il subtile l'humeur gros & phlegmatique, & purge le colérique par l'urine. Ce qu'à bonne raison Plin^{us} dit qu'il y a deux liqueurs gracieuses pour le corps humain, le vin pour le dedans & l'huyle pour le dehors la ne veux maintenir toutesfois que d'en prendre trop, on voyt renuerfer ces yurongnes, tomber en plusieurs maladies, entrer en folie, & trop profondement dormir. Garde toy donc bien de trop boire & scache neantmoins que de s'en yurer par longues intervalles peut reuenir quelque profit. Car cela fait pisser, & suer largement. Dōc i'ay opinion que Platon en ses loix approuuoit ebriété pour vne fois en l'année Et par ces argumens ie conclus, que rien n'est pl^{us} vtile à l'hōme que le vin & aussi pl^{us} pernicious s'il excède mesure. Or pour retourner à nostre propos, que est de tenir bon regime, les vins conuenans plus a ce sont ceux de moyen aage s'il est possible d'en fournir. Car les vins vieux cōbiē qu'ilz soiēt plus gracieux au goust ce nonobstāt ilz sont contraires aux nerfz, & autres instrumens sensibles.

Toutesfois s'il te prend fantasie d'en boire

en santé, tu en pourras boire vn peu sans dō-
mage attendu qu'il soit destrépé. Les naueaux
enflent & sont difficiles à digerer. Ilz font
songer & vriner, toutesfois ilz frappēt moins
les nerfz, mais ceux qui sont en aage medio-
cre n'ont telz vices.

Parquoy ilz sont meilleurs tant pour gens
sains que malades.

Les vins doux & gros peuuent profiter aux
repas, si on veut engrossir de corps ainsi q̄ ces
belons, ou amollir le ventre au cōtraire les
petits & austeres seruent mieux à attenuer, &
restraindre. Item est bon d'auoir soif en men-
geant & alors boire vn peu.

Aussi pource que sans doute tout vin esant
moult & bouillant, acquiert plus grande for-
ce pource conuient par plusieurs fois le cou-
ler tādīs qu'il est encore moult, par vn sac, ou
vne chauffe afin de bouillir moins: car par ce
moyen la force est rompue selon Hippocra-
tes: & tel vin est salubre à ieunes gens.

Car comme veut Platō, ceux qui ont atteint
l'aage de vingt & cinq ans, ne doibuent boire
vin puissant ne boire aussi abondammēt. Ce
qui est toutefois permis aux vieillars ausq̄lz
le vin est singulier remede contre la dureté &
roidure de l'aage. Car comme le fer s'amolir

par le feu, ainsi font les corps de vieilles gēs par le vin. Dont il est manifeste, que l'eau est meilleure que le vin à ceux qui sont chaud de nature ou à raisō de l'age, ou à cause du tēps.

Si neantmoins ilz desiroient en boire, qu'il soit petit & aspre, moderement comme celuy que les bons piōs appellent vin de petite portée, c'est à dire qui ne souffre grande quantité d'eau pour estre destrempe.

Ce vin a vertu d'oster la douleur de teste, qui vient des vapeurs d'humeurs vicieux en l'estomac: car la teste n'a douleur seulement de ses passions propres, ains reçoit aussi les vapeurs de l'estomac, & s'en sent quelques fois offēsé. Tu vseras donc de ces vins en santé, & principalement en saison chaude.

Au nombre desquelz sont entenduz ceulx que le vulgaire françois appelle vins de beuete ou despence & ceulx aussi qui sont faits d'eau & du marc de raisins.

Car ainsi dit Hippocrates, comme le vin de strempé d'eau, blesse moins les parties du corps, tant superieures, qu'inferieures, ainsi le pur est d'autant plus au ventre & aux boyaux comfortable.

D'auātage, il est bon de sçauoir, quelles humeurs engendrent la viande, & pour euitier

prolixité ie te les declareray legerement : & premierement.

Le suc gros & gluant s'engendre par chair de bœuf, de cerf, de brebis, & de porc.

Et celle de porc est plus aisée à cuire, & nourrit mieux que les autres si le porc est aagé environ d'un an.

Car comme on dit la chair est suauue & succulente. Surquoy plusieurs s'esmerueillēt veu que tousiours ceste beste se veautre dedās les fanges, & mesmes en repaist.

Dont semble aduis, qu'elle doit retenir du naturel des choses, desquelles est nourrie.

Mais il faut estimer qu'elle est de bon temperament, à raison duquel toutes viādes mesme meschantes & oides, sont conuerties en humeurs profitables.

Toutesfois ceux qui ont naturellement l'estomac humide ne peuuent pas bien digerer le porc, mais d'en vser ilz amassent obstructions, & force humidité superflue.

L'oye aussi entre oyseaux domestiques a la chair la plus grosse & humide, neātmoins les asles n'en sont pires, que d'autres. Et d'auātage leur testicules (selon le vulgaire) ont quelque vertu de faire auoir procreatio & lignée.

Les Canes, Canars, & tous autres oyseaux

qui vivent en eau & lieux moites, cōme Cailles & semblables sont tous aussi de faculté pareillement.

La moelle d'os & la peau de bestes fort grasses spécialement de Cochons, a le suc vndueux & fort visqueux: (iaçoit qu'il ne soit pas trop gros) & icelle ne se peut digerer tāt aisément, que leur extremité ne cause aussi tel alimēt ains elle est plus superflue & excrementue'e.

Quant aux parties de tous ces animaux, (à fin de mettre quelque chose en memoire,) entens ce' qui enuit. Les bestes vieilles sont tousiours dures & seches, les ieunes sont molles ou tendres & humides & pourtāt elles sōt plus commodes à digerer pourueu qu'on n'en mäge sitost qu'elles sont nées: car lors ce n'est encore que morue, s'il conuient ainsi dire.

Entre chairs de bon suc plusieurs ont estimé les lieures estre tresexcellens tant en friandise de gueule qu'vtilité de nourriture, & cela est entēdu des plus ieunes qu'o appelle leuraux.

Dont les bons hanteurs de tauernes preferent ceux qui ne font que sortir encores du ventre, ou des mammelles de leur mere. Car veu que le lieure est de temperament sec, semble estre raisonnable, que d'autāt qu'il est plus tē

dre & humide, il soit meilleur, principalement à gens secz, comme au cōtraire les grādeletz, semblent meilleurs à gens humides. D'auāta ge, on vse assez souuent de lieures en medecine. En quoy on peut congnoistre la bonté de Nature, qui (pource qu'elle est curieuse des commoditez de l'homme) a produict ceste innocente beste tant fertile que tousiours ou elle nourrit des petiz, ou en porte au ventre, les vns peluz, les autres encores sans poil, les autres seulement commencez & non totalemēt formez.

Après les lieures ensuyuent les petiz cheureaux cōnis & sans de toutes bestes, lesquelles ont quasi pareille nature aux dictz lieures. Pourtant peuuent estre sains à manger. Car ilz vsent d'air plus sec, & d'exercitation plus grande qu'aux animaux domestiques. Dont il conuient à toustemperamēs, excepté au melancolique.

Parquoy les fault assaisonner en plusieurs sortes, selon la varieté des natures, & qualité du temps.

Et après suit la chair de veau, d'aigneau, de Cheureau & Cochon, & sans principalement tous ces animaux en aage mediocre. Car quāt ilz sont si nouuelets, ilz sont par trop humides

& lors cōuient le rostir, & accoultre de quelque saulse eschauffante pour mager à seureté.

Les Poulles & Poulletz specialemēt petis Poulletz, & qui n'ont encores paillardé, sont de suc trefvtile.

Des chapons & autres semblables bestes de gresse ne fault vser trop souuēt sans esgard comme plusieurs estiment, principalement à ceux qui sont subiectz aux gouttes : pourtant (cōme ilz croient) que telles bestes sont volontiers potagres & gouteuses.

Mais il me semble que pour ce vice ilz ne delaissent pas d'estre bons : ains plustost pourtant que la satieté & repletion de toutes choses mesmement de choses bōnes conioinctes avec oyseté, est fort mauuaise & dangereuse à gens sains & malades.

Plus ie ne veux obmettre la salubrité des oyseaux que Pline (selon mon aduis) appelle oyseaux externes ou d'estrange pays.

Ie ne veux aussi mettre en oubly les autres Perdriz qui ont le bec & les piedz rouges cōme roses vermeilles.

Lesquelles i'estime vraiment estre les perdriz des anciens & sont certes tresdelicates en toutes volailles.

Les Pigeons, mesmement ceux des champs

sont meilleurs d'autât qu'ilz sont plus ieunes
 Les domestiques engendrent plus gros sang,
 Dont pour en vser immoderement, souuent
 fieures & lepre s'engendrent neantmoins ilz
 prouoquent l'appetit de Venus: & sont plus
 seurs a manger au printemps, ou en Autonne
 qu'en autre saison de l'année.

Les Ramiers, s'ilz sont macerez & attendriz
 longuement en yuer, sont profitables contre
 maladies de nerfz, spécialement les petis Ra
 miers qui sont plus frians durant le Soltice y
 uernal, c'est a dire au plus cours iours d'yuer
 comme en decembre.

Les Paons, combien qu'ilz soient de facheu
 se digestion, si toutesfois on les laisse attédrir
 long temps ilz sont de suc louable. Et ne faut
 condescendre a ceux qui ont cuidé autresfois
 que la chair de Paon se peut contregarder vn
 an entier sans putrefaction.

Les grives ausi les Merles, les tourterelles
 Cocheuis, & allouettes, Martinetz, qui n'ont
 repos ce n'est en leurs nidz & Oyseletz des
 boys, sont salubres plus que tous autres.

Au surplus les œufz claiertz ou molletz
 semblablement ont bon suc, & seruent pour
 adoucir la gorge & poitrine.

D'auantage tous poissons qui habitent és

marefcages, eſtāgs, fanges, & boumbiers, petis lacz & riuieres, ont le ſuc gros, lent & mauuais car l'air quilz hument en respirant, n'eſt du meilleur. Il nagēt auſſi moins que les autres, & ſont nourriz de mauuiſe viande, principalemēt ſi l'eau court par quelque grāde ville & eſt l'eſgouſt d'icelle: car la chair de telz poiſſons, ne vaut riēs, ſ'ilz ſont pris en ſes eaux, ilz ne ſont à louer veu qu'ilz ſont tous puans, de gouſt deſplaiſant & faciles à gafter. Mais peſchez en mer, ilz ſont de meilleur ſuc, la Seche la Poupe, & tous poiſſons lubriques, comme Enguilles, Congres, Lamproyes, (ainſi nommez vulgairement, pource qu'elles liſhent les pierres, & m'eſt aduis que les latins les appellent, Muſtelles) & autres poiſſons pareilz, engendrent tous humeurs gros & tenans.

Outreplus, les vmbres & ſemblables, les ouyſtres, Buccines & toutes manieres de poiſſons qu'Ariſtote appelloit Oſtracodermes c'eſt à dire poiſſons ayant le taiz ou la peau dure cōme Hiarules, Patelles, tellines, moules & pareilz, ont tous le ſuc moins dangereux, & ſpecialement les ouyſtres.

Le brouet faiēt de ces ſortes dernieres à cauſe de la ſalure qu'elles ont, à vertu de laſcher le ventre, ainſi que fait le petit laiēt.

Tous fromages sont aussi de gros suc & mesmes les recens l'ont mauuais: mais les vieux d'auantage l'ont glutineux, & visqueux.

Nous en auons de sortes fort diuerles pour la varieté des bestes, lieux & pasturages. Celuy de brebis est tresgros. Celuy de vache est plus gras. Celuy de Cheure (quant est de ses facultez enuers le corps humain) tient le rāg du milieu entre tous.

Les œufz durs & ceux qui se cuisent en vas de terre ou paelle, sont de suc peruers, & rendent l'haleine puante qui sort de la digestion. Ilz corrompent aussi les viandes, avec lesquelles on les mange.

Les Champignons aussi ne sont bons ne commodés à digerer: car souuēt quelque vns sont entachez de venin, les serpens & autres bestes enuenimées: ou mesme de leur malignité naturelle ilz engendrent squinances, strangulations, telles facheries. Pour remede il fault les accoustre avec poyures (lesquelles ont certaine vertu d'oster totalement leur mauuaistié) aux poyure origā, & semblables joinct, que quand ilz ne sont digerez, il causent oppillation de foye & ratelle, & quelque fois engendrent maladie colerique. Pource si quelqu'vn māgeoit de fortunes de plus dan

gereux, apres auoir vomy, qu'il aualle soudain vn goublet de ius de poyres acerbes & sauua- ges. Car c'est vn remede presentement souue- rain al'encontre, le miel aussi avec eau tiede est en vn autre, & le bon vin pareillement a- sçauoir beu en grande quâtite. Et à ce propos fault noter, que l'huyle est contrepoison bon ne & vraye antidote contre les Champignôs.

Quant est aux legumages, ie ne mentiôneray icy que des plus commûs a present, pour ce que tous ne se ressembtent, & ne sont en v- sage sinon en charté extreme & disette de vi- ures. Pour cômêcer aux feues, leur potage a- doulcit la poictrine, & ne laisse engendrer la pierre aux rains, ny a la vessie.

Semblablement il garde des distillations du cerueau en l'estomach, desquelles peult y s'ir quelque toux vehemêre. Galien a situées ces feues entre viandes de bon suc: les modernes ne les y veult mettre, pour tant qu'elles sont rebelles à digerer, & venteuses ioinct qu'elles engendrent de vers, qui peuent tesmoigner qu'il y a quelque putrefaction & ordure en el- les. Outre plus, nō seulement l'esprit est per- turbé par l'vsage dicelles, mais aussi l'enten- dement est souuent hebeté & estourdy.

Dequoy voyons vn argument certain, qu'aux

lieux ou il y a abondance de feues, si quelqu'un s'arreste long temps (à cause des vapeurs malignes & pestilences qui en sortent selon plusieurs) elles luy blessent le temperament du cerueau si fort, que la faculté raisonnable, qui faict la sa demeure en est rendue plus debile & tardive, ce qu'alors nous faict dire de telz personages il sent la fleur des febues. On dict aussi qu'elles font resuer en dormant pour laquelle cause les Pythagoriciens les auoient en horreur.

Les lentilles, iacoit que prinles pour viandes soient de gros & assez mauuais suc, & quel les causent lepre & autres vices qu'on attribue à l'humeur melancholique & facent aussi songer toutes fois plusieurs en vident en medecine contre certaines maladies. Or ie ne veux maintenant disputer d'elles. Si est ce qu'il est bon de sçauoir qu'elles ont faculté de secher & retenir. Dont ceux qui pretendent viure en chasteté & abstinence en peuuent bien manger comme prestre & religieux.

Les pois enlent moins que tous autres legumages, & sont moins aperitifs, c'est à dire qu'ilz ouurent moins les conduictz du corps que les feues.

Tous pois chiches font vriner toutes fois ilz sont de dure coction, & mauuais suc, neât-

mois ilz nourrissent plus fort & ne sont mois venteux que les feues. Dôt on croit qu'ilz incitent à luxure, & augmentent la semence & chaleur genitale. Item qu'ilz ont en eux ie ne sçay quoy doux & salé. Parquoy sont bons à faire aller à la selle & pisser. D'auantage, ont dit que les noirs ont quelque vertu medicamenteuse contrepoison & difficulté d'vrine, & grauelle de Reins & vessie principalement le brouet en est bon à tel affaire, & y sert de viâde. Les rouges sont plus chauds que les autres & causent plus gros suc q̃ les blâcs. Pour ce nous voyons qu'Hippocrates à plus vsurpez les blancs que tous les autres, tât en vian de que medecine.

Le Riz[qu'on appelle Oriza en Grec]nourrit assez, il est toutesfois de digestion dure. Dioscoride est d'opinion qu'il retrainct. Les autres (côme dit Galien) estiment sans consideration qu'ilz relache, mais on void qu'il reserre moderement le blanc flux de fēmes & encore plus le rouge à raison de son aridité. Quād il est cuit en lait il rend le corps mieux dispos, & faict le tainct plus faiz, & donne accroissēmēt nō mediocre au supreme genital.

Tous grains cuicts, & toutes choses qu'on faict de paste & farine sans leuain comme Bi-

gnetz petiz Choux, Eschaudez, & Oublie, sont de suc gros & gluât, spécialement s'il ya fromage. Auec cela aussi fault entendre tous gasteaux & torteaux composez d'herbes de lait d'œuf, de fromage, & semblables.

Il ya donc pareil esgard aux legumages & à ces grains: à sçauoir que ceux qui plustost se digerent ont meilleur suc. Or les prestz à digerer, sont ceux qui estans destrempez en eau, s'enflent & cuisent incontînēt, qui est en eux, vne infalible experience de bonté & nuyent mois si en cuisant on veut mesler ensemble quelque cas qui puisse corriger leur malice, & ventosité, comme poyure, aux oignons ou quelque autre herbe chaude, selon le goust des gens, car par ce moyen ilz sont mieux accommodés aux dessusdites coctions du corps lesquelles sont faictes en l'estomac & au foye en chacūe partie du corps & sans doute de la bouche prepare la viande à l'estomac, & l'estomac au foye finalement le foye à chacune partie.

Maintenant nous conuient passer aux fruits frequens pour le iourd'huy entre lesq̃lz, pour ce que les pepons excellens en grandeur & suauité de goust nous les deserirons presentemēt auant tous autres, cōbien donc que les pepōs semblent estre de plusieurs & diuerses sortes

(car les vns se nomment Pepôs, & les autres Melons) toutesfois ilz ne sont différens entre eux si ce n'est en figure & quantité: car Plin appelle Pepôs ceux, qui sont plus grans & longuetz. Dont les Melons seront ceux, qui sont rōdeletz, & nous representent la forme & effigie d'une pomme. Ce nonobstant Palladius grand compositeur de la chose rustique, à cōfōdu ensemble toutes ces sortes, soubz la seule appellation de Melons. Laquelle aussi est quasi par tout receue a ceste heure mesme aucuns ont colloquez ces melōs entre les concōbres qui digenerent quelquefois en pepôs & melōs. Or est il requis de n'vser d'iceux sās bonne caution, pourtāt que de leur nature ilz se corrompent tost en l'estomac. Dequoy se peut causer vn suc venimeux selon Galien. Et principalement pource q̄ soudain ilz ne muent en naturel de l'humeur qu'ils trouuēt dedans ledit estomac. Parquoy tu n'en dois māger sinon apres qu'aures faite entiere coctiō de toutes autres viandes, & auras aussi tresbien purgé ton estomach, si ainsi est besoin, ie dis plus qu'il n'en conuient māger sinon vne fois le iour: pource que si l'estomach est infirme ilz y demeurent iusqu'au lendemain, & ne se peuuent aysemēt digerer. Pour ces raisons, il

les fault choiſir moins ceux, rouges, de bõne odeur & tant au ũ. pour boire. Les meilleurs croiſſent en lieux pierreux, & terroirs ſecs.

Car par ainſi ilz ſont moins froidz, plus delicatz, & gracieux: ilz ſont vriner d'auantage, & ne ſont tant ſubietz à gaſter. Les blâchâtres ſont plus nollatz que les rouges, & ceux qui meuriſſêt trop toſt, ne ſont ſi bõs q̃ les tardifz leſquelz ſurpaſſent tous autres en groſſeur & douceur. On les préd volõtiers à l'entrêe du repas: Et en les mangeât ſeroit bõ de ſe pour mener, (cõme pluſieurs ont couſtume) pour les faire deſcendre viſttement au font de l'eſtomac, à fin qu'ilz ſi digerent mieux, laq̃lle choſe ſe fait encore plus proprement, ſi toſt apres on ne mäge autre choſe ſi ce n'eſt quelque cas de bon ſuc ſeulement d'vne ſorte, pour corriger par ſa vertu la malignite du Pepõ. Il n'eſt auſi conuenable boire vin doux & pur en la g'eſſe en apres ce Pepon, ainſi q̃ pluſieurs fõt. Car auât qu'il ſoit digeré, il eſt trãſporté par le vin hors du ventre puis cauſe obſtructions es conduitz dont on voit bien ſouuēt fieures aduenir. Parquoy eſt vtile aux phlegmatiqs boire apres le Pepõ, peu de vin ſubtil, & tout pur aux coleriques, peu de vin rude & aſpre, plus, ces coleriques peuvent deuorer le Pepõ

iufques au cuir:laquelle partie n'eft corrompue facilement. Et les phlegmatiques doiuent prendre celle qui eft plus large & rare, & qui approche à la femence. Dõt fi quelqu'un veult vrier de pepõs, ayât tous les efgardz, il trouuera qls fe digereront en l'estomac, & fe tournerõt en bon fuc, & rafrefchiront en efté, esmouueront l'vrine & matiere fecale, & reprimerõt les appetiz charnelz, à raifon que la femèce de l'hõme fera obtufe & moderée par leur frigidité.

Parquoy finablement c'eft chofe bonne apres les pepõs vfer de fromage, ou de quelque viande falée, ou de fel mefme, ou biẽ fuc, pour engarder qu'ilz ne fe gaffent & putrefient.

Il fault iuger femblablement des Pefches: lesquelles (felon les Medecins) ne feruent au corps de nourriture aucune.

Item des prunes & Cerifes, lesquelles (comme plufieurs ecriuent) prinſes recentes & au matin avec leurs noyaux, peuuent faire aller à la felle fi fort, que par ce moyen les piedz empeſtrez de maladie, en font deliurez, & guariz.

Plus fault iuger des Abricotz. Car Pline les a colloquez entre les Prunes d'Armenie: & à raifon qu'ilz font longuetz, aucuns eſtimēt que ce ſoient prunes de Chathelõne: mais ilz

se trompent grandemēt, veu qu'elles sont plu-
 tost ainsi nommées, pource qu'elles sont ve-
 nues premierement d'espaigne.

La Courge ou courle, comme disoient les
 anciens Medecins, n'est quasi qu'une eau con-
 gelée. Et combien qu'elle soit de petit nour-
 rissement, si est ce quelle se conuertit en bon
 suc pourueu qu'elle soit digerée

Les Concombres ne sont bons cruz neāt-
 moins ilz ont vertu de rafreschir. Dont mer-
 ueilleusement sont souverains a gens de tem-
 perament chaud, & aux ardeurs d'estomac, &
 de foye, ilz irritent l'vrine spécialement leur
 semēce. Ilz causent maladies phlegmatiques
 & tréchées. Ioinct qu'ilz se corrompent aise-
 mēt. S'ilz trouue quelque humeur vitieux en
 l'estomac. Parquoy pour à ce obuier, & les
 menger plus seurement, quelques vns les pre-
 parent (& les courles aussi) avec fromage.
 Veriust, oignons, & espices.

Les pommes & poires sont, pour certain,
 de plusieurs sortes, Les douces & molles ont
 quelque peu de chaleur & plutost se meurissēt
 & sōt au rang des fruis prochainement decla-
 rez. Mais ceux qui ne sont meures auant
 l'Autonne sont aigrettes, aprez & d'autre na-
 turel. Toutes poires & pōmes esians crues en

gédrent mauuais suc, mais si elles sont cuites la plus part de leur malice est ostée, principalement si on les mange avec sucre ou aniz. Le temps d'en manger est le meilleur à la fin du repas, à raison de leur faculté & essence terrestre. Quand aux iardinages ou herbes de ménage, si nous en voulions icy traicter par tous leur gères, & ainsi que la matiere le pourroit requerir, il nous seroit besoing d'entreprendre vn œuure plus proluxe car leurs differéces sôt si perplexes & obscures, pour la diuersité des noms & sortes d'icelles mises entre les anciés & modernes qu'on peult veritablement dire que maintenant rien n'est plus desiré que satisfaire la cōgnoissance des herbes. Mais pour ce que ce sont gens de loisir qui disputent des noms (comme a bien dit Galien) ne faisans compte de la propriété des choses, venons a ce qu'auons institué.

Les anciens ont eserit que toutes ces herbes ont suc maling, spécialement les agrestes, desquelles en premier lieu nous traicterōs & puis mentionnerōs de celles qui croissent aux iardins (pourtant qu'elles sont entre deux) parlans des choses de bon suc.

Le Choux, principalement ceux d'esté, engendrent mauuais suc & melancolique, s'ilz

sôt cuits a deux fois. On croit aussi qu'ils trou-
 blēt le repos de l'hōme par songe & resueries
 & remedier aux flux de vêtre. Au cōtraire s'ils
 sont bouilliz moderemēt, ilz font aller a selle
 & adoucissēt la poëtrine, specialemēt le bouil-
 lô prins avec huile Sabine, ou Tyburtine, Ca-
 ton loue & prouue beaucoup les Choux cres-
 puz, lesquels les Romains ōt vsé (comme on
 trouue) durāt six cēs ans en lieu de medecine.
 Les ietōs de choux sont meilleurs à l'estomac
 & sont plus acres & efficace à esmouuoir l'vri-
 ne. D'auātage on dit que les choux pris à l'é-
 trée de table gardēt d'enyurer, & a l'issue ostēt
 ebriété. Oultre plus il est bon d'entēdre que
 choux cuits avec chair grasse sont moins nui-
 sible. Nous en auons vn genre qui deuīēt fort
 suauē & blanc, s'il est exposē & mis à la gelée.
 Ce sont noz choux cabuz, ceux la que rabel-
 lais a dit estre bōs à la mouelle de bœuf. Ces
 choux sont meilleurs en yuer, d'autāt pl⁹ qui
 sentēt le froid, ilz sont toutesfois de dure co-
 ction, & engendrēt songes, pesanteur de teste
 & distillations. Parquoy ie te cōseille de n'e-
 vser souuent specialement de ceux qui sont
 cuitz à deux fois.

Toutes herbes acres & fortes, cōme oignōs
 porreaux, aux, eschallottes, & sēblables, tout

mauuais suc & les fault euitier non seulement pource qu'elles ne sont de bonne nourriture mais d'auantage à raison de leur odeur puâte & larmoyable, pour laquelle odeur épeschier il conuient les semer quand la lune est soubz terre, & les cueillir a la nouuelle lune. Menāder a escrit que ceux qui vseront de telles herbes, s'ilz mangent après vne racine de Porée rostie dedās la braise, ilz n'aurōt l'alaine mauuaise, ces herbes aussi seruēt beaucoup en medecine, car entre autres vertuz, on a quelque fois esprouué qu'elles portēt souuerain remede cōtre le venin & poison. Et mesme l'oignō cuit aux cendres & mis dessus quelques callositez ou durillons, combien qu'ilz soient difficiles à curer, comme ceux qu'on voit specialemēt aux jointures, il les guerit en brief & les fait cōsumer lesquelz de presēt sont écores estimez de gēs rustiques, en lieu de theriaque. La Raue sauuage nommée en latin *Armoracia*, ne differe de celle que l'ō seme és iardins dite *Radicula*, sinō que elle a vertu plus forte & faculté plus grāde. Elles echauffent, & sont venteuses & plaisent plus au goust, qu'elles ne sont vtilles à l'estomac. Elle fōt rouster & sont meilleurs au ventre. Galien dit que si on les menge auant autre viandes ellesont commo-

dité de lascher. Et si on les postpose elles sont de digestion difficile. Dioscoride & Oribase afferment le contraire & sont d'opinion qu'il les faut prēdre a la fin du repas pourtāt qu'elles aident a departir & distribuer les viandes par le corps & que prinſes a l'entrēe elles ſoubliaient leſdites viandes. Dont telles font reietter & vomir. Il eſt aiſé d'accorder & recōcilier ces grans autheurs, attendu que ceux qui ont l'eſtomac ibecille, & ſont ſoudain eſmeuz du ventre peuuent ſainement māger raues au commencement du repas, & au rebours ceux qui ont l'eſtomac fort endurcy à l'yſſue d'auātage Dioscoride recite, qu'elles aguifent, tous les ſens. Et les Indois croyent qu'elles rendēt l'eſprit plus vigoureux, & ſans dol ou fraulde quelcōque. En outre, on dit que ius de Raues avec vinaigre, ietré deſſus le ſcorpion le faiēt mourir : & q quicōque aura māgé raues pour ce iour ne ſera ſeru de telles beſtes, & ne ſ'en yurera. Item qui aura fort frotté ſes mains de ius d'icelles pourra ſans dāger toucher & manier toutes choſes venimeuſes: & qui le boyra avec miel, il en guerira la pelade & reſtituera le poil qui tōbe en la maladie, que les grecz nomment Alopecie.

La Coriande eſchauffent ſelon Hippocrates

Parquoy elle rompt les fumées, & oste la crudité d'estomac : & faict dormir : & ce, prise à l'issué de table. Les autres tiennent, qu'elle a vertu de rafreschir : mais Galien à depuis trespbiē opiné, qu'il y a quelque austerité & froidure meslée avec sa chaleur : Et à dict qu'elle est tresvtile à la teste, & à l'estomac à la fin du repas, principalement si on la destrépe au parauāt en vinaigre & ius de Grenades, (cōme presentement les apothicaires font volontiers) pour oster & amender sa qualité venimeuse. Oultre ce, plusieurs ont cuidé qu'elle a faculté d'augmenter la semence de l'homme : neantmoins ce n'est le meilleur d'en vser trop à raison qu'il y a dāger que l'esprit en soit pertroublé. Dōt celuy qui est prudēt & discret la doit temperer tellement qu'elle ne soit venin en lieu d'aide & remede.

Or puis qu'auons fait iusque icy suffisant discours des alimēs de mauuais suc, presentemēt nous fault poursuiure aux autres qui causent bonnes humeurs : entre lesquelz, si nous en nōbrons quelquesvns qui ne soient tels entieremēt, i'estime qu'il no^r sera pardōné : car iceux meslez avec autres, par eux sont aisemēt corrigez & reduitz en meilleur suc. Dōt pour cōtinuer nostre ppos dernier touchant les her-

bes. La laictue (qui a ce nō pour raison de l'abōdance du lait qu'elle jette) tient le rāg du milieu entre autres & pource qu'elle cōprēd souz elle plusieurs genres, comme l'endiue, la Cichorée, le Laterō & semblables qui sont distinguez seulement selon leur plus grande ou moindre faculté, ie traicteray de tous ensemble. Tous ont propriété de rafraeschir, principalement la laictue: car elle incite plus à dormir, & est tresbōne à gens ayās l'estomac chaud, & engēdre bō sang. On dit aussi que d'vser de icelle immoderemēt le corps & les yeux sont hebetez les imaginations & resueries de cōpagnies charnelle refrenées & mesmemēt l'ēuie de paillardise ostée. Donc les Pythagoriēs l'appelloient Enochion & Spadoniā, comme l'herbe qui chastre & rend tout l'homme effeminé. Parquoy gens de religion, & autres nō mariées en doiuent souuentefois vser. Pour les rendre plus chastes.

Le Fenail recent qui est fort plaisant à manger, & sert aux Couleures & Serpens a despouiller leur vieille peau: & estant seiche est vtile a sauuer plusieurs choses.

La mâte à raison qu'elle est odorante, fait reuenir le cœur & remet en appetit l'estomac.

Les arroches, ou bonnes Dames, aucuns de

trōpent qui dient que ce sont Espinartz) sont aduersaires & nuisent à l'estomac. Dont conuient souuēt changer d'eau en les cuisant. Et non sans cause Pythagoras les blasmoit comme si elles engendroient Hydropisie. C'est le plus seur de les assaisonner avec poyure, raisins de casse, & autres herbes chaudes.

La porée ou iote, est insipide ou fade: principalement la blanche, car nature l'a voulu créer telle, (comme plusieurs estiment) afin qu'on n'ayt appetit d'en mēger, pource que l'estomac se peut trouuer mal par frequētvsage d'icelle. L'ache, le persil vulgaire sont toutes herbes tresbōnes à l'estomac, au foye, & aux roignons & mellées ensemble avec autres pices elles les corrigent & melioient.

La Melisse nommées des latins Melissa ou Citrigo pourtant qu'elles sent le Citron, est fort bonne à gens qui ont mal de cœur.

La bourrache appellée en latin Borago, & en Grec Buglossum, (auquel nom plusieurs des modernes se sont abusez grandemēt) est tres-salubre tant en viande que medecine, & engendre bō sang. Le Houblon est pareillemēt bon prius comme aliment: & aussi comme medicament. Il cause sang louable, & est grād enemy du suc melancolique.

La roquette, ainsi qu'on dit fait mal en teste neantmoins elle est vtile, pour ce qu'elle fait mourir les vers qui viennent au corps, & reschauffe grandemēt, Dōt aduient que mägée seulette, elle est mal plaisante, mais pour faire sauce a toute autre viande, elle est fort propre & tressuaue. Parquoy les grecz l'appellēt Euzomon, comme voulans dire, bonne sauce. D'auantage, elle produit abondance de sang, pource on dit qu'elle fait paillarder.

Au contraire le cresson Allenois ou Nasitort, oste paillardise, & est appellé Nasitort cōme il semble a plusieurs, a cause qu'il dōne tourment aux narines, faisant esternuer: par la chaleur il dissipe les phlegmatiques gros. Parquoy est sain a gens de cōplexion froide.

Le Cressons commun, dit lauer en latin, & Sion en grec, croist es eaux, & le peut manger crud ou cuit contre la pierre & grauelle.

Les asperges ont faculté semblable, & nourrissent plus fort que toute autre espee d'herbage, Et certes elles sont autāt contraires à l'estomac, q̄ gracieuses ay goust. Parquoy le plus seur est le preparer avec poiure & vin aigre.

L'artichaut a deux noms, Scolymos & Cinnara l'vn agreste l'autre cultiue.

Tous deux ont vertu d'eschauffer & reme-

dier a la grauelle & difficulté de vriner. Ilz sont commodés à l'estomac & dōnēt appetit: les autres sont d'auis qu'ilz ne sont bōs pour l'estomac: auquelz parauēture faut plutoſt cōſentir. Quād l'artichaut s'endurcit cōme bois il cause vne humeur colerique, acré, & melan colique. Pourtant on le māge au printemps à ſçauoir la pomme, & la plus tendre portiō de la racine mise en potage, comme on fait des Asperges. Les Geneuois le nomment Arcoc. Et plusieurs cuydent qu'il a eſté inuenté par nature a l'vtilité de l'homme. Et se fondēt sur ceſt argumēt que nature la mūny d'aguillons pour l'aſſeurer cōtre les beſtes à quatre piedz afin que l'homme en puiſſe'vſer, & y prendre plaisir, ioinēt que ſans interualle durent l'eſté les vns fleuriffent; les autres conçoient, & les autres produiſent leur fruit en auāt. tellemēt qu'en tout ledict temps d'eſté on n'en peut auoir faulte. Auquel temps les femmes (cōme dit Heſiode) ſont plus procliués a concupiſcēce charnelle. & au cōtraire les maſles pl' tardifz. Dont par prouidence de nature ilz peuuent beaucoup ſ'ayder d'un ſecours ſi ſouuerain. Car la decoctiō d'artichaut (ainſi qu'on trouue eſcrit) à grāde efficace de prouoquer celle concupiſcēce, autre raiſon y a auſſi pourquoy

il est pl^r fauorable aux femmes, a sçauoir pour l'amarric. Glaucias pareillement dit, qu'il ayde à engendrer les masses.

Pour ceste cause ne se fault esbahir si les femmes en demandent si volontiers, & s'il est aduenü par culture diligente & industrie humaine, qu'on en mäge non seulement les pēmes mais la racine, la tige, & les fueilles & ce mesme en yuer, lorsque toutes autres herbes sont mortes, & sans vigueur. En quoy on a proueu qu'on ne passeroit iour qui voudroit, sans vser d'Artichaulds.

Les Naueaux & raues, ont esté iadis du tout reprouuez entreviādes par Democrite, a cause de leur ventosité. Toutesfois Diocles les a beaucoup prisez & extollez, disant qu'ilz ont grāde vertu d'esmouuoir le desir de venus spécialement s'ilz sont assaisonnez avec Roquette. Ilz ont bon suc, & ouurent l'appetit, & par quelque propriété peculiēre remediēt aux humeurs ou enflures de l'ayne. Ilz sont plus sains estās appareillez avec aniz, poiure ou fenoil. La Pastenade s'appelle en Grec Daucus, & la Carote a le nom de Caros, dedās Dioscoride selon aucuns, ou de Sifarion, selon les autres. Et quād a ceste controuerse, j'ayme mieux cōdescendre à Fabius Caluus de Rauēne, hōme

tresdocte aux langues Grecque & Latine, & autant heureux a tourner noms d'une langue en l'autre, lequel certifie par le tesmoignage de Paulus & Atheneus que sans doute. Caros signifie noz Carottes. Or ces carottes & pastenades sont herbes fort prochaines, & nourrissent moins que naueaux, & sont plus dures à digerer. Neantmoins les fēmes en vsent souuēt avec miel, pour exciter leur temps. On les cuit ordinairement pour mettre en Salade avec poiure & espices: & ainsi prinſes peuuent engendrer bon ſuc.

Les Figues ſeiches autrement Cariques, ou figues de Karesme ſont le corps diſpos, & biē habitué, & prinſes au cōmencement de table elles laſchēt le ventre, ſpecialēmēt ſi au prin tēps on les acoſtre avec roſes nouuelles. mais ſi elles ne ſont digérées ſoudainement, elles ne engendrent pas bon ſang. Pourtāt de s'en ſaouler ſouuēt la galle viēt, & les poux ainſi que lō croit. Galien eſcrit, qu'elles ſont vtilles avec noix ou amēdes, pour oſter obſtructions de foye, & ratelle, & contre tout venin.

Quant aux raiſins, aucuns Medecins dē renom ont dit que, eſtans meurs ilz ne peuuent tant alimenter que les figues, & neantmoins ſeruēt a cauſer bon ſuc. Et outre que les noirs

sont plus fort & violens : dont le vin en est moins delicat: les blans plus suaves, & plus doux.

Quand ilz sont nouueaux ilz enflent l'estomac, & troublent le ventre, pour laquelle cause, ilz ne sont bons en abondance à gens febricitans.

Les Oranges, limons, Citrons & semblables combien qu'ilz soient reputez entre medicaments, si est ce toutesfois, que leur suc & escorce a lieu en sauce & engendre bon suc.

Les Noix verdes font aller a la selle: dont plusieurs en vsent auant autres viandes, & les trépent premieremēt en vin rouge elles sont plus faciles a digerer qu'amendes, les noix seiches picquent la bouche & l'ēflambent. Item elles causent la toux, & sont contraires a la tēte. Outre elles ne sont de bon suc attēdu que gēs de complexion chaude, elles se conuertissent en humeur colerique: Mais ceux qui ont l'estomac froid les cuisent mieux. On trouue escrit par tout qu'a l'exemple du Roy Mithridates si voulez prendre a ieun vne noix avec vne figue seiche dix fucilles de rue, & vn grain de sel, elle vous seruira d'Antidote, c'est a dire de preseruatif & contrepoison.

Les amendes recentes sont de bon aliment

Les seiches sont cōtraires a la teste, & difficiles a digerer. Nōobstāt qu'elles remediēt à la poitrine & aux poumōs. On dit que si quelqu'un en vse à ieū, pour ce iour il ne pourra s'ēyurer. Les Auellanes eschauffent & nourrissent plus qu'autre sorte de noix, ce nōobstāt elles sont de digestion dure, enflent & nuisent a la teste, specialement les recentes, & au boyau que les latins appellēt Ieiunū. Touresfois si on veult oster l'escorce interieure, & les faire rostir, elles en sont trop meilleures. Elles sont bōnes apres le past cōtre defluxiōs de cerueau. D'auātage on croit que prise avec rue, elle preferuent de tous venins & de tous animaux venimeux. Plus avec figues seiches, elles guerissēt ceux qui sont blecez de quelque Scorpion. Et si en l'estomac y a quelq humeur aigre & melācolique elles ont vertu de l'ēieter dehors. Les chataignes (cōme on'trouue escrit) sōt chaudes au p̄mier degré & nourrissēt amplement & ont le suc gros, & sōt tardiues a trauerfer p̄ les parties du corps: Itē elles enflēt & causēt douleur de teste, obstructions & trāchée de vêtre, Parquoy tāt seulemēt ceux en deuroiēt vser q̄ trauaillēt beaucoup, Les chataignes rosties ou seiche pdēt la pl' grād part de leur malignité: dōt plusieurs les ont approuuée cōtre poi-

son. Voyla dōc les choses dignēs d'estre tousiours obseruées & maītenus, quād aux viures. Or cy apres: nous traicterons briefuemēt de tout le texte expedient en chacune partie de l'année: à sçauoir au printemps, en esté, yuer & Autonne & commencerons icy au printemps.

Combien donc qu'Hippocrates ayt appellé le printēps le temps tressallubre & moins dāgereux de tous, si est ce toutesfoys qu'ainsi ne peut il estre totalemēt attēdu que souuēt no⁹ voyons aduenir du contraire. Car la disposition & partie de l'an chaulde & humide, à raison qu'elle est subiecte à putrefaction, cause coustumierement griefues maladies: Ioinct qu'en yuer lors que la chaleur naturelle est si robuste qu'elle digere toutes viādes, mesmēmēt celles de tresforte matiere, il s'engēdre necessairemēt abōdance de sang & d'humeur gros & lēt, tel que Praxagoras appelloit glutineux. Lesquelz sucz renduz fluides au printēps, si tost qu'il s'esmeuent, ou par imbecillité de nature ou a cause de leur redondance & largesse incontinent l'homme se laisse tōber en maladie fascheuse, ou se meurt: quelq fois tout subit. Mais pour autre raisons Hippocrates à bien dit, que ce printēps entre toutes parties de l'an, est le pl⁹ sain & moins ma-

ladif car l'esté par sa chaleur extreme nō sans cause engendre fieures ardantes, tierces & cōtinues, vomissemens flux de ventre, & choses semblables d'yuer par sa grande froidure, cause douleur de teste, toux, douleur de gorge, & de costez, catharres & distillations de cerueau. Autōne ameine pestes fieures erratiques & incertaines douleur de foye & ratelle, hydropisie & amegrissementz telz que nous voyons en ceux qui sont Phtisiques & que nous disons estre en chartre. Et telles choses aduiennent, pour autāt que l'Autonne est inegal: car en vn mesme iour d'Autonne, il fait tātost chaud, tātost froid & d'auātage pour cause que l'Autonne ensuit l'esté, lequel dispose plusieurs gens a tomber en dangereuses maladies, speciale-mēt ceux qui vsent de mauuais alimens. Or pour raison semblable nous pouuōs dire, que le printēps est a bon droit renommé tēps salubre veu que sa constitution est si fort egale & cōstāte laquelle cōstitutiō est la meilleure de toutes comme au contraire la pire est, celle qui est inconstante & muable.

Et pource on voit, que comme l'autonne fait plusieurs gens malades ainsi le printemps dōne a plusieurs santé & guerison. Parquoy pour satisfaire à l'objection dessusdicte, il faut di-

ligemmēt prendre garde, que l'abondance & plenitude des humeurs, qui s'esmeuēt inaturrellement au printemps (aydant pareillemēt à cela chaleur du temps) que ceste abondance (dy-ie) ne soit occasion de quelque mal ou offense. Ce qui se pourra empescher par vne belle purgatiō prise apres l'Équinocce [c'est à dire apres la my Mars] selon le conseil du medecin present, & d'auantage par saignée, si elle est necessaire. Plus ne cōuiēt au printēps manger tant qu'auions de coustume en yuer. Neātmoins il fault boire quelque peu d'auantage, & mettre plus d'eau en son vin. Lors aussi deuōs vser de chair de Veau, de Cheureau, & d'herbes pl^{us} que ne faisons parauāt. En ce mesme temps nous voyons que oyseaux sont addōnez à procreatiō: & pource ilz sont adōc autāt insalubres q̄ desplaisans au goust. Lors pareillemēt faut laisser le rosty, & manger du bouilly, vser de poissons laxatilles, & d'Aloze, car pour l'heure l'Aloze est si tresgrasse q̄ elle merite d'ēporter le pris & la palme sur to^{us} poissons frians & delicatz. Semblablement il fault aucunesfois aller aux champs, & prēdre plaisir à contempler la verdure & varieté de belles peintures que lon voit au printemps.

Quant est de la saison d'Esté, lors conuiēt

boire & manger plus souuent. Parquoy cest le meilleur de partir les repas en trois. Dont apres midy qlq fruicts nouueaux, ou vne Orenge aigre douce, ou le pain laué ou vne soupe en vin austere. Brief, telles choses sont bônes pour gouster. Car côme on doit souuent manger, ainsi d'autant on en doit manger moins, Plus, audict tēps d'Esté la chair de Cheurau, de Veau, & de mouton est tresbône. Itē celle de petiz pouletz, & autres oyseaux, & bœufz ieunes: outre pl^r toutes sortes d'herbe refrigerantes, & le bain faict d'eau douce, mais les espices sôt dangereuses: & toutesfois il est permis vser de Canelle raremēt, & en petite quantité. Il est bō aussi de boire vī fraiz avec force eau, pour estācher la soif, non pour s'eschauffer trop le corps. En outre en Esté on peut hardimēt vser des fruictz qu'auons dessus declarez de bō suc, moyennant que ce soit, en tēps & heure principalement de Pepōs apres lequelz est vtile de boire vin subtil pur, & en quantité moderée. Entre autres choses faut euitier la chaleur le plus qu'ō peut. Parquoy est bō que les chambres ou sales ou no^r sommes soient tenues fraisches & claires, & ayent leur esgard vers Oriēt. Pour les tenir fraisches les cōuient arroser d'eau froide, d'eau rose, ou de

vinaigre. Item ietter par terre iournellement des fueilles de vignes, de faux, ionchées, & choses pareilles.

Or les chaleurs d'Esté passées par ces moyēs susdictz, les dangiers de la saison d'automne suruenās pour l'inequalité du temps, serōt ayez à euitier specialement si lors que l'estoille Perseus se va coucher, qui est enuiron le premier iour du mois de Septēbre, quād laër s'accommence de temperer par pluyes, si lors (dy ie) voulez prendre purgation, ou pour le mois sur le douziēme iour apres l'Equinocce. Car aux deux Equinocces, au Solitices, & à la brune, (ausquelz temps les corps sont esmeuz & fort troublez de diuerses mutations d'aër) il n'est salubre, mais quelquefois est mortel, cōme tesmoigne Hypocrates, de purger, saigner cauteriser, & faire plusieurs autres cas semblables, desquelz lesditz corps se peuuēt fort sentir. Pourrāt plusieurs de noz medecins du iour d'huy errent, commandans temerairement telles choses en tout temps sans egard quelcōque. Outrepl^e en autōne il se faut se vestir d'auantage selon le froid, de paour que ce froid nouueau ne puisse nuire : & principalement se fault contregarder du froid du matin & du soir. Parquoy est bon au sortir du lit se presenter

deuant vn feu. Il est aussi conuenable de manger vn peu plus, à sçauoir de viandes de matiere moyenne: mais boire moins & plus pur vin. Toute chair aussi (celle de bœuf exceptée) & toute venaison n'est pas adôc mauuaise: mais conuient vser de fruiçtages & herbages moderemêt: car non seulement ilz sont dōmageables pour s'ē saouler, mais aussi pource qu'ilz engēdrent humeurs malings, & ventositez. Et pourtāt faut les assaisonner avec Sapa, qui est vin cuit, ou les faire cuire aux cendres: toutesfois les raisins & figues nouuelles prises a l'étrée de table, ne peuēt incōmoder. Lors on peut dormir plus qu'en esté. L'exercitatio doit estre legere. Venus ne profite ny en esté ny en ce temps d'Autonne, neantmoins elle est plus suportable en Autonne, & quelq̃ fois au printemps. D'espiceries ne fault vser sinon en mediocrité, & rareté, toutefois on peut cōmencer d'vser plus largement, & plus souuent de canelle, & d'autre sortes temperées.

En yuer, est licite manger beaucoup de pain & des viandes de matiere puissante, & doit on alors māger plus que boire, mais il faut boire plus pur principalement en temps de Bise mais si le temps est Austral & pluuieux, conuient moins manger, & moins boyre, à raison

de l'humidité. Et lors est besoing de secher le corps par exercitatio ou diette plus en celle saison d'yuer cōuient mieux vins. Outreplus en yuer il est expedient de māger plustost du roty que bouilly, vser d'herbes chaudes, manger espiceries spécialement du poiure, du safrā des cloux de girofle, & sēblables, & se faut tresbien vestir quand il fait grād froid, l'exercice doit estre quelquesfois plus vehement, & quelquesfois plus leger: & pour lors n'y a meilleur exercice que le ieu de paulme, par lequel non seulement toutes parties du corps se remuent egalemēt (qui est l'excellence de l'exercice, laquelle ne se trouue en tous autres) aīs l'esprit est aussi totalemēt resiouy & ragail lairdy. Mesme Galiē escrit, que la paulme sert fort à confirmer & corroborer les mēbres, & à rēdre l'esprit plus rigoureux. Ioinct qu'il en fait d'autant plus grande estime, qu'elle est de menēe de tout le monde aisement sans grand coust & danger: ce qui n'est pas en l'exercitation print a chasser, ou escrimer, ou picquer cheuaux, ou courir, ou luitter, ou autrement: mais ceste paume est plus commode, si la viāde du iour precedent estoit de forte matiere: car ceux qui coustumieremēt prēnēt tel exercice, ne doiuent craindre d'vser de viādes que

côques mesmes de celles qui sont communes au populaire. Au côtraire ceux qui ne peuuēt ou ne veulēt s'exerciter à raison de leurs empeschemens & affaires, ou pource qu'ilz sont infirmes & debiles de corps, ou qu'il sont nōchalans d'eux mesmes, non seulement se doiuent abstenir de viādes facheuses, mais aussi sont contrainctz d'vser de medicamens pour s'entretenir en santé.

En ceste partie nous descrirons les choses qu'auons cy deuant omises tout expres & de props deliberé: car il faudra les maintenir & observer en toute saison, selon leur opportunité. Et commencerons au dormir.

Le dormir, ou somme, n'est sinon vn repos des facultez animales prouenant des vapeurs benignes de la viande, qui humectent & arrofont le cerueau, auquel sont situées lesdictes facultez.

De ce somme prouiennent plusieurs commoditez s'il est prins en temps conuenable, à sçauoir bonne concoction, relaxation de travail, meilleure & plus prōpte distribution de tous alimēs par les mēbres: par luy aussi douleurs sont apaisées, isanie est corrigée, & grieues facheries d'esprit sont passées. Le tēps pl^r apte à dormir est la nuit, neātmoīs si la nuit

On ne peut il est bon & licite quelquefois dormir sur le iour, deux heures apres le repas fait & doit on mesurer le somme par l'estimation de la grandeur d'iceluy repas, car si no^r vsons de grãde varieté de viãdes, ou bien mangeõs beaucoup, lors deuons dormir plus largemēt a fin que la digestion se puisse mieux parfaire, mais si nous souppons legeremēt pouuõs aussi moins dormir. Or la coustume plus cõmune est de dormir de sept a huit heures, premiere-ment sur le costé dextre: puis apres sur le fenestre. Combiē qu'aucunesfois le coucher sur le ventre ayde a la concoctiõ, n'estoit que plusieurs sont d'auis que tel couchement est nuisible aux yeux & a la veue. D'auantage quand nous sommes esueillez auant que sortir du lit deuons bailler, cracher, nous estendre entiere-ment, specialement les bras & iambes: ce que les anciens signifioient en vn mot disans pandiculer. Puis parler hault & clerement, & frotter vn peu des mains la poitrine, les cuisses, & autres parties pour faire sortir & euaporer par ceste motion, les excremens retenus en dormant, De la, toute l'année est salubre aller deuant le feu & toutesfois moins en Esté. En outre apres que no^r serõs vestus, ainsi que la saison voudra, & aurons esté à la selle, & yriné

cōuient nous lauer d'eau froide le visage & les
maïs: laquelle eau soit en vn vaisselet verd: &
y plonger les yeux deux ou trois fois, puis re-
garder long temps contremont, car cela est
tresbõ à roborer la veuë. mais si les yeux sont
chassieux, & pleins de phlegme gros & lent,
lors plus expedient sera de les lauer de vin. Et
apres, il faut se frotter la teste, en commençant
au front, & tirant au derriere, à sçauoir eniesté
d'un linge rude & aspre, en yuer de quelque
piece de drap d'escarlata quelq̃ fois avec vn
esponge & le plus souuent avec vn peigne d'y
uoyre. Par ce moyē toute la teste est fort des-
chargée, & allegée, & l'est encores plus, si cha-
cun la veut frotter de soymesme.

Puis ensuyt l'heure opportune à l'estude, en
laquelle heure lors que le somme & la conco-
ction sont paracheuez, les espritz sont telle-
mēt restaurez, que l'hōme est pl^{us} idoine à spe-
culation, aydant à ce nom mediocremēt la vi-
gueur du soleil. Car veu qu'il est le chef de vie
& sapience, certainemēt nous pouuōs plus cō-
modement paruenir à ceste sapience, quād le-
dict chef est fauory & enclin enuers nous cō-
me quand il habite en Oriēt, ou au milieu du
ciel. Parquoy le temps plus propre à estudier
ont le matin, & le midy. Et celle estude à gēs

coleriq̃s fuffit de deux ou trois heures pour le plus matin & apres dîner : d'une ou deux seulement. Apres l'estude est bon de prendre aucun exercice, cōme de iouer à la paume, ou autrement selon l'exigence du temps. Et si la cōmodité ne s'addonne de s'exercer, il se faut pourmener auant dîner: & ne le fault pas oublier. En ceste mesme heure on peut mettre ordre à ses affaires publiques ou priuées, si aucunes se venoient offrir. Tout cela deuement faict cōuiēt dîner: en dînant cōmencer à deuifer & auoir tousiours eîgard à la dignité des conuiues, & grauite du lieu. Les deuis doiuent estre ioyeux & recreatifz, meslez avec autres graues, & d'importance, selon le precepte de Paton diuin philosophe. Incōtinēt apres dîner la musique, les iustrumens, & telles choses qui recreent l'esprit sans elmouuoir le corps, sont fort louables: & s'y fault amuser iusques à tant que l'heure du sommeil ou de l'estude: soit venuë.

Or l'homme qui obseruera continuellemēt ces choses appartenantes à la raison de viure il maintiendra entieremēt sa santé, sans obliger n'y assubietir à loix aucunes de medecine. Mais il peut aduenir, que par trop grādes estudes, ou administratiō de negoces publicques

ou faute de prendre ses repas ainsi qu'il appartient (ce que mesme gens meurs d'aage ne font tousiours aysemēt) c'est homme engendrera quelque crudité d'estomac, donc ensuyura douleur de teste ou l'appetit sera perdu. Lors il doit tenir abstinēce, laquelle faicte tēpestiuement & en lieu, est la chose meilleure qui sçauroit estre. Lors aussi specialement s'il fait chauld il vsra au matin de tablettes diarodon seulettes, ou avec eau de cichorée, ou Buglosse. Item pourra prendre vn Myrobalā confit, de ceux que les apothicaires appellēt Kebules; ou des autres qu'ilz nōment Emblīques, ou prendre l'Aromaticum rosaceum, principalement en Autonne & en yuer, & en toute saison il pourra manger commodemēt la racine Barbarique & venant des pays estrāges, que les modernes nommēt Reubarbe, à l'encontre de tous maux d'estomac, & toutes obstructions de foye. Plusieurs cuident qu'icelle racine n'a pas esté cogneue des anciens auteurs auant Paulus Aegineta dont ilz opinent que ce n'est radix pontica de Celsus, ne Rhaponticum, ou Rheuponticum de Dioscoride. Quant a nous, attēdu qu'une mesme plāte en diuers aer & regiō varie souuent de couleur, de goust, d'odeur, & telles qualitez, nous

pourriōs soubstenir (si nous vouliōs) que toutes ces racines dictes, ne sont de faculté diuerse, ne de different genre. D'auantage en autōne & yuer, sept grains meurs de Geneure recent prins au matin sont tressalubres à l'estomac, pour luy dissiper les phlegmes, & principalement ses ventositéz. Mesmemēt ces grains sont louez à raison qu'ilz preseruent le cœur des vapeurs pestilentes, & venimeuses. Quand on ne peut aller à la selle, cōuient prendre vn Clystere faict de decoction de Bete, Mercuriale, Paritoire, & violes, à laquelle decoctiō on acoustūe d'adiouster du sucre rouge, du miel violat, vn moyeu d'œuf, de l'huyle verde ou violate, & vn grain de sel. Par ce clystere qui ne pourra encore aler à la selle, vne autrefois il adioindra à tout ce que dessus, vne once de casse fistule. Ou en lieu d'vn clystere, on préd quelques suppositoires faictz de lard, ou de miel cōbien qu'ilz soyent fascheux à prendre mesmemēt à gēs sains. Parquoy on peut vsurper les pillules de Ruffus: dictes pillules cōmunes: lesquelles ainsi que les anciens ont tousiours creu, sont excellentes pour conseruer la santé, & specialemēt en temps de peste: elles sont ainsi ordonnées chez les Apothicaires.

Prenez d'Aloes, demie once: de Saffram, &

Mirrhe, de chacun deux drachmes : & du tout assemblé avec bon vin, faictes pillules.

Toutesfois Manardus l'un des plus apparêts Medecins de ce siecle, est d'aduis que ce n'est la descriptiõ des vrayes pillules de Ruffus, ains qu'elles sont composées en la sorte suivante.

Prenez d'Aloes hepaticque, & goutte hammoniaque de chacun deux parties de Mirrhe fine, vne partie du tout avec vin odorant, formez pillules.

Or ces pillules communes, ne sont trop seueres à gens coleriques en temps chauld, à raison de leur grande chaleur, parquoy nous en mettrons cy dessoubz d'autres conuenantes en tout temps, à gens de tous aages, & temperamens, lesquelles se doiuent cõposer ainsi s'ensuit.

Prenez d'Aloes lanée en eau de latine, ou de roses deux drachmes de Mirrhe & safran, de chacun deux scrupules, de terra Armeniague laüée en vinaigre & eau rose, vne drachme & demie de Camphre, de terra Lénia autrement sigillata, de chaqü vne drach. de Reubarbe & trochisques d'Agarie de chacun vne autre drachme de Zadoaria Tormentilla, Gentiana, Dictamnus blanc, de chacun demie drachme: des deux sortes de Coral de la semence

de Citrô,&de Carabe,de chacun quatre scrupules. Toutes ces choses soient puluerizées subtilement,& avec vin en syrop de lymons, faiçtes Pilules. En yuer,si vsez des dernieres vous y pourrez faire adiouster trois drachmes de Hierapicra de Galien.

Pilules bonnes contre Pestilence.

Prens Myrrhe,Saffrâ,Anna,liure vne.Aloes epatie ou Cicotrin bô& esleu,liure deux pilules,de ces choses soient formées, avec bon vin & odorât,& soiêt prinſes deux ou trois ou quatre fois le mois,selô qu'il en sera neceſſité,& q̃ l'aër ou le lieu sera infect, ou coriôpu.

Autres pillules à ce meſme.

Prens Bethoine,Pimpernelle,Anna once ſemis,camedreos,deptâ,Anna, once vne ſoyêt pulueriſcées ces choses bien ſubtilement,puis prens Aloes once vne,Mirrhe dragmes deux,Saffrâ dragmes ſemis,ſoient ces trois choses diſſolutes en eau de vie par vne nuit,&au matin ſoient coulées. en laq̃lle coullure ſoit mis la pouldre des herbes,& puis en ſoit faiçt vne maſſe en maniere de paſte, de laquelle ſoient formées pillules, en oygnât les mains d'huy-le Roſat ou de mandragore.

Pillule contre la douleur du cheſ.

Prends Aloes epatic onces quatre, Scamonee giroflée, Agaric, Mastic, Afara, Baccara autāt de l'vn cōme de l'autre, ōce vne, trēpe ces choses en ius de choux, & en forme de pillules & en dōne sept ou neuf, selō l'age, le temps de la complexion, les nouuelles à la nuict, & les vieilles au commencement de la nuict.

Autre pillules à ce mesme.

Prends Aloes epatic bō, ōces iiij. Briome: Mastic, Absinthe, Azara, Baccara, Scamote, Anna ōce i. soiet ces choses cōfites en i^r de choux, ou de fenoil avec vn peu de miel pour garder.

Autres pillules confortatiues des
cinq cens de nature.

Prends Aloes epatic cinq drachmes, Mirrhe esleu drachmes deux. Saffran de lôbardie drachme vne, soient ces choses puluerisées, & en soyent faictes pillules chacune de Drachme vne soyent cōfites en yuer en tresbō vin odorand & faictz ius de roses, & en soyent prins trois quand l'homme sent la douleur au chef, ou en l'estomac ou vomissement.

Pillules contre paralisie de la langue.

Prends grains de Pyonnie, Silermontanū, Anna drachmes deux, Anthos drachmes vne & se mis saulge primult veris, Salue mone, Bethoi

ne. Anna, drachmes trois, Larry, bois d'aloes
Gingembre, Galage, Cinamomme. Anna dra-
chmes deux, Cardamoni Salgemme vne, suc-
cre drachmes cinq, soit faicte pouldre.

Contre d'armonia.

Recipe Endiue scariole lactucæ culcis autāt
d'une comme d'autre, vne bonne grosse poi-
gnée florū Violārū, florū Nuphar, florū Ro-
sarū rubearū. Anna, vne once succi borraginis
succi Fumeterre, succi pomarū acetorū depu-
tarum, Anna, onces deux aceti squilliti. An-
na, vne once semis, Zucari albi quartis quatre
soit faict cirop clarifié iusques à vne liure.

Laxatif à ce mesme.

Recipe florū violarum, florū borrag. &
buglose neupharis, añ. once vuorum passarum
mundarū drachmes cinq, epithimi, feuilles de
sené, anna trois, & ainsi quatre drachmes, soit
faicte decoctiō, soit remptée l'escorche de mi-
rabolans indes, onte semis, & soient au ma-
tin fort pressiez & coulez, & puis la coulure
soit administrée.

Lauement de teste avec decoction de piedz
de Mouton, & des testes, & semence de pauot
blanc.

Item decoction de foëilles de Sené, & aucu-

nesfois est adioustée la decoction de fleurs de bourraches.

Fomentation competant à melencolic naturelle.

Recipe florum sene thimi epithimi florum borraginis & buglosæ an. vne once soyēt ces choses cassées, puis boullues par deux inundations en quatre liures d'eau & d'icelle decoction soit fait lauement du chef ius de bourraches, & de fumeterre.

Sternuation à ce mesme.

Recipe laiēt de femme vne once, & le boire noir puluerisé, vne drachme, soit ce mēlé.

FIN DE LA PREMIERE
partie du Benefice Commun.



LA SECONDE PARTIE

Du Benefice commun de tout le
monde, ou est contenu plusi-
eurs souuerainetez,
contre toutes
maladies.



Comme ainsi s'il y a plusieurs Receptes & rem-
edes mediceinaux, & entre l'Hyale Refat, ou autres
faiz d'herbes propres à nostre sante c'est raison que ie
t'en enseigne en ceste part, la maniere de les composer.

Prends telle quantité de fucilles de Ro-
ses que bon te semblera, & icelles metz
en vn pot ou Chaulderon, auquel aussi
mistras autant d'Hyale d'olive douce qu'il y
faudra. C'est à sçauoir tāt que tu la voye clere
& que toutes les roses soient au deffouz, & aye
eau de dessus deux doigtz de haut de roses, laisse
bouillir à petit feu tant que la tierce partie
soit diminuée: & quāt sera diminuée, oste la
du feu, & le laisse refroidir. Puis le faut couler
& estraindre tresbien, afin que la substance des
Roses demeure leās & les Roses que tu auras
espraintes iette les & ayes autres fucilles de

Roses fraïches, & les metz dâs vn vaisseau de verre en sorte qu'il soit a demy plein de roses Puis metz sus leſdites roses ton huyle cou-lée iusques a ce que le vaisseau soit plein, & l'estouppe tresbien: puis metz le au Soleil, & le laïſſe là l'eſpace de quinze iours cōtinuelz pour le moins, & ſi plus y eſtoit mieulx vauldroit, mais garde le bien de la playe & roſée. Et ſois certain que ſi ladiſte huyle eſtoit faite de roses ſauuages mieulx en vauldroit.

De l'Huyle d'Olyue.



Este Huyle eſt vtile pour la cōpoſitiō des onguētz, & ſaine à l'eſtomac, pour eſtre moins conſtrictiue. Elle eſtrainēt les gēciues, & tenue dâs la bouche, elle affermit les dēts & engarde la ſueur.

Celuy qui eſt plus viel & plus gras, eſt le plus commode & plus vtile aux medicamens.

Toute Huyle d'Oliue communemēt eſchaufſe: ramollit le ventre, preſerue le corps de froidure & eſt le plus prompt a ſes operatiōs.

Elle reſtrainēt la mordacitē des medeci-
aes vlceratiues quand elle eſt meſſée avec
elles. Si on s'en oingt les yeux, elle les cla-
-ſſe, la vieille eſt plus chaulde, & reſoult plus

puissamment. Au deffault du vlieux pour faire
 représenter l'ancien, l'on le cuit dans vn vais-
 seau, afin qu'il deuienne espes comme miel.

*Les moyens de faire les Huyles sans feu,
 & à moins de despens.*

De l'Huyle Rosat.

En chacune liure d'huyle fault mettre vne
 once de Roses bien mundées & le tout lais-
 ser pendre au soleil & à la Lune sept iours du-
 rants.

De l'Huyle de Lix.

En chacune liure d'Huyle fault mettre dix
 fleurs de Lix dans vn vaisseau de verre, & le
 laisser quarante iours en l'air.

De l'Huyle de Camomille.

En chacune liure d'huyle tu mettras le poix
 d'une once de fleur de camomille, i'entendz
 ce qui est de couleur iaulne doré au mylieu
 d'icelle fleur & osteras les fueilles blanches
 qui sont a l'entour, & le tout laisseras quaran-
 te iours ou enuiron, au Soleil.

De l'Huyle de vin de Violettes.

Pour faire vin de violettes fault prédre autant d'onces d'icelles que de liures d'huyle, & le tout laisser l'espace de quarâte iours à l'air,

Lesdictes violettes doiuent estre mundées, sans rien retenir de la rosée, & d'icelles mettras cinq liures, en dix septiers de vin vieux puis trente iours apres le tremperas en miel, poyfant dix fois autant que lescdites violettes.

Par ceste mesme maniere peutz faire Huylé Danet, mente, & autres, tant fleurs qu'herbes mais dois entédre que l'huile des herbes veut estre faite au mois de May, car alors lescdites herbes sont en leur plus grande vertu: & si tu passoys ledit moys de May, ne passe point la my Iuin car les herbes ne sont plus bonnes depuis qu'elles viennent en graine, car alors perdent leur force & amour quand a ce faict.

¶ Pour faire eau d'herbes, fleurs & racines de toutes sortes.

Note pour vne reigle generale quand au distiller toutes Herbes, fleurs, & racines: comme ranes, Fumeterre, Mente, Saulge. Hysope, & telles autres tu ne dois point commencer ce faire iusques a my Apuril, & puis persuerer iusques a my Iuin: mais qui le peut fai-

re, doit estre faict au moys de May, car alors faict meilleur, & pour plusieurs raisons.

Item voulant distiller les fleurs, comme de Roses, Origā, Rosmarin, Geneste, Febues, & telles autres: tu doibs observer & prédre garde au temps, auquel icelles fleurs sont en leur meilleur estat, & plus grāde & parfaicte beauté. Cela ie dis pour autāt que toutes fleurs ne viennent pas en vn meſme temps, ains variēt ſelon la ſaiſon: parquoy te fault ſuyure leurs diſpoſitions,

Item ſi tu veux diſtiller eau de racines d'herbes, il faut que tu attendes les temps qu'elles ſoient hors de grene, & que les fueilles chéent. Cela ſe faict au commencement d'octobre, & dure juſques en Feurier aſſeuremēt: car alors toute la puiffance des herbes eſt à la racine, car com ne elles ſe commencēt à ſaillir hors tu dois ſçauoir que l'amour n'eſt plus à la racine, ains ſe conſume en la fueille & à la tige. Cela doit estre mis entre les ſecretz de la reigle generale.

D'ocques ſi tu veux diſtiller fleurs, fueilles, ou racine d'herbes, il te fault observer le temps auquel elles ſont plus en vertu & puiffance, &

selon cela te reigler, iamais ne pourras faillir
 Democritus Abderites interrogué de ses amis,
 comme pourroit vn homme en santé vi-
 ure longuement: il leur feit responce: s'il v-
 soit du miel par le dedans, & de l'huyle par le
 dehors.

☞ Du miel Rosat.

En chacun Septier d'eau Roses messeras
 vne linre de Miel, & le tout bien messé en-
 semble mettras au Soleil l'espace de quaran-
 te iours.

☞ Comme les eaux d'herbes, fleurs
 & racines, se distillent à pe-
 tit despens.

Prènds vn pot de Terre, sus lequel e-
 stends vn Linge clair, & sus iceluy metz les
 roses: car en ceste sorte l'eau Rose vient
 tresodoriferante: ou y estendz aultres fleurs
 ou Herbes: puis ayes vne poyle qui couure
 le Pot de Terre, & fais feu sus le fons d'i-
 celle: ainsi se distille non seulement la treso-
 dorante: mais aussi la tresuallable eau Rose:
 laquelle on met au soleil dedans vn vaisseau
 clos, pour oster la senteur de la fumée, de-

moürant neantmoins tousiours l'odeur de la Rose.

Roses freisches posées sus vn blanc linge mis & estendu sus vn bassin, & couuertes d'un vaisseau remply de charbon ardent, distillant dans iceluy bassin beaucoup d'eau, & bien odorante Par mesme moyen se peuuent distiller les autres fleurs. ceste mode distillation me semble estre commode pour toutes choses qui sont froides, ou aptes a refrigerer, mesmes si elles sont sans odeur: cōme la plus part des choses abstringentes, & encore plus les froides & humides. D'auantage on en tire beaucoup plus d'eau en plus brief temps, & à moins de despēs. Et ne faut auoir paour qu'elle s'esuente, mais se faut donner garde que le vaisseau charbonnier mis dessus ne soit trop chaud, & que l'eau ne sente l'arseure, Si deux pots de terre sont appliquez & apposez l'un sus l'autre, vn linge clair mis entre deux, & le dessus soit plein de Roses, il en distillera eau tresodorante au vaisseau de dessous.

L'eau de Noix communes non encores meures, aprestées enuiron la Saint Iehan Baptiste, appliquées par dehors, est bonne

E iiij

es playes & vlcères chauts, & au charbon pestiferé beue au poix de deux ou trois onces, elle refraichit & resiste à la pestilence.

L'eau de feuilles de noyer distillée enuiron la fin du moys de May, est merueilleusement recommandée pour desseicher & esraïdre ou resserer les vlcères, & les faire venir à cicatrice, si le matin & le soir sont lauez de celle eau, & dessus soit mis vn linge mouillé en ladicte eau.

L'eau des pepins de halicacabo ou alkeken-gi, est fort louée contre la grauelle, des reins & de la vessie: si on en boit vne fois la semaine. Je vous pourrois icy nommer particulièrement plusieurs sortes d'eaux, ce que j'ay reserué à dire pour cause de briefueté.

Des proprieté de l'eau de vie ensemble la maniere de les composer.

Pource que plusieurs medecis philosophes ont dit que d'icelle seule deuement preparée, se fait medecine seule, & souueraine sus toutes les autres medecines d'Ipocras, de Galien, d'Auicenne, de Rasis, de Hali. & de

tous autres medecins à toutes maladies guarir, tant passées comme presentes & futures. Pource nous demonstrerons les operations d'icelle eue de vie, selon ce que auons veu, & extraict es liures des philolophes, de laquelle la premiere maniere est telle.

Premierement prends bon vin vermeil le meilleur que tu pourras trouuer, & les metz en vn vaisseau d'airain qui est appellé curcubite avec la serpenrine, & au dessoubz si rue vn alambic de verre, & ce lute tresbien avec le serpent. Ainsi soit le vaisseau situé sus vn Fourneau auquel Fourneau tu feras petit feu en distillant cōme tu feras eau rose. Si prends la premiere dedans vne fiole de verre, iusques à ce qu'elle n'arde plus: laquelle tu distilleras par l'Alambic de verre, deux ou trois fois, en separāt tousiours la flusgme & en la rectifiant ainsi elle sera bonne & trespuissante, car selon l'eau d'icelle cheueulx ou drap de lin, l'eau aidera sans lesion du suiet. Pareillement si on met en elle vn œuf cru, il se cuira, & endurcira sans feu. Si on met dedans icelle aucunes espices ou herbes odorantes, elle prédra & tirera à elle leurs vertus & saueurs, en vne heure. Si de ceste eau on met vn peu dedās vn tou-

neau auquel soit vin corrompu, & qu'il soit meur com ment on ha accoustumé quand on veult reparer vin, elle le reparera & ramenera a son premier estat & meilleur: ce mesme fait elle de vinaigre. Elle guerit l'homme de venin, s'il en boit luy fait auoir bonne alaine elle purge la poictrine & l'estomac refroidie: elle conforte toutes les vertus animales, especiallement la memoire.

Item collerisee en l'œil elle guerit la toye, l'ongle blancheur, carace & les autres maladies des yeux quand elles sont nouvelles. Elle guerit les yeux larmieux, & les paupieres renuersées, elle guerit la douleur des dêts, venât par fluxmes ou par vers. Elle guerit les podagres & nerfz retraictz: elle lubuient à toute goutte de froide cause.

Item quand on la boit elle guerit de lienteria & dissinteria: Elle guerit le chancre, la fistule. Noli me tangere, & toutes autres passions, Elle guerit des fieures quât elle est beuë auant l'acces. Elle guerit les rongnes quâd on les en laue tous les matins. Item si on en boit to^les iours, ou qu'õ en mette en ses viâdes, la quantité de la moitié du plein d'une escaille d'œuf, elle guerit ydropisie de froide cause.

Item elle donne liesse & bonne memoire,

repare l'ouye & aussi semblablement elle procure & enio ngt à la'personne plusieurs autres biens, quand à la nature humaine. Si on met en icelle chair ou poisson, ilz ne pourriront point tant comme ilz y seront. Plusieurs autres vertus qui seroient longues à racompter à l'eau de flusdite: lesquelles vertus & proprieté pour cause de briefueté Ypoctas les laisse aux enchercheurs.

Autre maniere de faire eau de vie.

Prends Cinamomme, Girofle Cubebes, gingembre blanc, macis cardamomi, noix muscades, grains de paradis, autant de l'un comme de l'autre soit faite pouldre, qui soit mise par vn iour dedans du vin blanc ou rouge qui soit fort bon, & le fait distiller comme il est dict, & tu auras bonne eau, de laquelle les vertus ont esté esprounées. Ceste eau est souuent mise au lieu de basme comme ayant les proprieté d'iceluy. Laquelle combien qu'elle soit artificielle si l'auoient appelée les anciens le second basme: car ceste eau surmonte toutes autres liqueurs: car si on y iette huy-le tantost elle yra au fonds & ceste eau nagera dessus.

Si ceste eau est mise en aucun vaisseau qu'on la touche d'une chandelle, elle s'allumera incontinent.

Item vn drap mouillé dedans ceste eau se brusle sans soy consumer, combien qu'il soit au milieu de la flamme: & si ceste eau est iettée dessus vin, ou dessus eau cōmune, & qu'elle soit touchée de la flamme d'une chandelle, elle se allumera incontinent sans riens brusler, tant seulemēt que l'eau dessusdictē: combien que le vin ou l'eauē sont de meilleurs saveur que deuant.

Si en icelle eau sont mises vn peu de Girofle ou de Roses, ou de Saulge & deux gouttes d'icelles soient mises en vn verre plein de bon vin, il vaudra mieux que vin simple de girofle, ou de Saulge, ou de Roses: car ceste eauē pour lors est si forte & de si grande vertu & chaleur qu'on ne la scauroit boire sans commixtion d'autre chose, sans nuyssance, mais fault que d'icelle vne petite quantité soit mêlée avec quantité d'autre chose.

Si Canfre est mise en ladicte eau, elle sera consumée en peu de temps, & faicte eau clere comme deuant, & ainsi retient en soy la propriété du Cāfre: & si ceste eau camphorée est iettée sus eauē commune elle se congelera en

maniere de laiſt blanc, & ſi lauée eſt & coulée par vn drap, & que la ſubſtance blanche demeure audict drap, & d'iceluy on pourra faire vne chandelle ſans meſche.

Toutes ces choſes eſprouua Galien, & des autres vertus medicinales d'icelle eau, laquelle bien peu de gens ſçauent s'ilz ne ſont medecins, mais Galien les eſprouua toutes. Qui dit que ceſte eau vaut generalemēt cōtre toutes maladies froides, & p̄ciſipalement cōtre paralifſies, contre dents creuſes. pour les vers, ou froide gontte, en reſtaurant ſubitement au patient ſanté: mais laiſſons de ſa vie &, venons es choſes naturelles de là vie humaine

Premierement donc la premiere eau ard, mais non pas parfaictement, c'eſt à ſçauoir iuſques a la conſumprion. La Seconde ard plus parfaictement, qui vault plus que ne faiſt la premiere. Et la tierce treſparfaictement, qui vault plus que la premiere & la ſeconde, car elle ard parfaictement. Ceſte eau guerit Chancre, ſiſtule, maladie, real, moit, mal metanger, & toutes telles maladies generally. & ſpecialement chair pourrie, corrodant par le lauant continuellement. Elle

guerir fieures quartres, tierces, & toutes melancoliques passions, mais que deuant le tēps de l'accession en l'heure d'iceluy, ou en prenne moderement. Elle guerit toutes froides gouttes artetiques, froides ptisique & generally toutes passions engendrées pour causes froide, mais qu'on l'en laue continuellement, & puis qu'on emplastre ces herbes dessus.

Prens primula vertis, Bethoine & saulge, & les boulez en vin, & puis les broyes, & en faite emplastre pour mettre sus le lieu douloureux deuant le lauement de l'eau, auant que l'eau soit emplie de l'eau dessusdictē, car elle guerit parfaictemēt. Elle restaure les dents pourries & mengées, & les blanchit & rassiet quāt on les en laue par plusieurs fois.

Item la seconde eau guerit la mauuaise alaine qui est puante venant de l'estomac, ou de la partie du cerueau, elle consolide & guerit tous nerfz contraincts retetiques ou secz & tous aultres membres par quelque cause froide. Elle guerit la sourdesse des oreilles & l'apostume de cause froide quand on met moyennement de ladicte eau en l'oreille, & qu'on l'estoupe tresbiē apres demie de pain. Pareillement elle guerit toute langueur, dou

leur & paralisie de membres si on les laue de ladicte eau, & aussi le patient en vie. Elle guerit l'inuersion & rougeur des yeux, & toutes maladies froides, en quelque lieu qu'elles soient.

Item si on met en elles vn œuf crud, elle le cuyt sans feu & l'auance bien à cuyre au feu. Elle faict toutes choses escriptes au liure du trespas faict d'Aristote, lesquelles nous laisserons pour le present.

☞ Souuerainetez contre toutes maladies. Premieremēt pour la maladie du chef, prouenant de sang.

Remede singulier.

On doit faire seignée de la veine du chef, du costé ou est la plus grande douleur. Puis applications sus la partie dolante, avec huyle Rosat, vin aigre & eau Rose, ou avec sachet de Roses, trépé en eau Rose. Et est à noter tant en ceste cause qu'en aultres, si le ventre est dur & constipé. Premièrement fault bailler vn petit clystere ou suppositoire, ou demye once de casse nouvellement tirée de la canne, pour procurer le benefice du ventre: autremēt toutes applica-

tions feroient de nulle valeur.

¶ Reigle generale.

Que tout malade du chef se doit tenir chaudement, & se garder de manger Poireaux, & oignons. & se garder de boire vin, qu'il ne soit affoibly, ou destrempé d'eau.

¶ Contre douleur de teste, durant continuellement.

Prenez des feuilles de Lyetre noire, broyez les & les mettez avec du vin aigre, de l'huyle, & du vin autant d'un que d'autre: faites bouillir cela ensemble, puis en oignez le front & les temples & cela profitera grandement.

℞ Autrement.

Prenez des feuilles de Roses seiches & les mettez tremper dedans du vin cuit: puis apres cuisez les & les broyez & mettez dessus la teste du patient, & bien tost il guerira.

Autrement mesle huyle Violat, avec lait de Femme allaitant femelle, & par cotton ou estoupes metz le aux narines du patient & en oingtz le front d'iceluy patient, & tost apres il guerira.

Galien.

℞ Autrement.

Prenez du sel & le broyez avec du miel & de la Rue, & en oignez le front & vous aurez vn souverain remede, & est chose approuuée.

Autrement.

Prenez deux cuilleres pleines de ius de Poireaux, & vne pleine de miel, & meslez tout ensemble, & quand le malade voudra dormir, mettez luy de cela dedans l'aureille, ou dedans les narines, & qu'elle soit tiede, & soudain il guarira.

Autrement.

Prenez du poulliot, & le cuisez en Huyle. puis de ce frotez le front, les temples & le cerueau, & incontinent guarira.

Contre les fourfes & tigne.

Prenez des eschallottes, puis les broyes avec du soulfre vis, & de bon vin : puis mesles tout ensemble, & de ce oignez luy la teste.

Contre migraine.

Prenez du ius des Ailz & en mettez dedans l'oreille du malade, du costé qui luy faict mal, & il guarira.

Pour tuer les lendes ou petites bestes venans aux cheueux.

Prenez vn œuf de poulle : duquel vous en frotterez la teste: puis vous la lauerez avec de l'eau ou du ius de l'herbe dicté Cyclamen ou pain de pourceau: & les lendes ainsi tuées, iamais ne reuiendront.

Note que quand on veult guarir quelque maladie de la teste, qu'il l'a conuient premieremēt lauer & baigner avec l'eau, dans laquelle on aura faict fort cuire de la mauue.

Contre toutes ampoules du Corps.

Prenez des cendres de vigne, broyez les avec vieil oings ou graisse, & le mettez sus le mal, car il guarit toutes les ampoules, en quelque lieu du corps qu'elles soient.

Contre toutes playes vieilles & pourries.

Prenez de l'herbe de Celidoine, broyez la & puis la meslez avec du vieil oingt, & l'appliquez dessus les vlcères, & ilz guariront.

Autrement.

Prenez des noix fort vieilles, & les broyez
ou qui mieux vaut machez les, & les mettez
dessus le mal, & il guarira.

Contre frenaisie.

Broye rue & Sifibriū, Anna puis les destrē-
pes en vin aigre, & les metz aux narines du pa-
tient, & incontinent il sera guaray.

Autrement.

Prends Cicorée Anna, broyée tresbien en-
semble, & destrempée dans bon vin blanc, &
en donnez à boire au patient par l'espace de
huiet iours au matin, l'estomach ieun, & pa-
reillement au soir & il guarira.

A ce mesme.

Broye rue avec vn peu de Sel, & en tire le
ius & le mesle avec miel, de ceste mixtion
oings le chef du pauvre malade, & du ius qui
est premierement tiré, en fault donner à boy-
re au patient l'estomach ieun & il guarira.

Contre la chaleur de ficure
continue.

Prends fueilles de choux & les cuitz en vin aigre: puis les broye & destrempe d'huile rofat, & en faiscs emplastre, puis la metz dessus l'estomac du malade, & il guarira.

Autrement.

Broye les fueilles de Saulx & morelle: Anna tout ensemble, & en faiscs emplastre, qui sera mise sus l'estomac.

Contre la fieure quotidienne.

Broyez Betoïne en deux parties. Plantain en vne partie, & les destrempez ensemble en eau chaude & quand le patient sera en froidure, l'estomac ieun, boiue de ce deuant son acces & il guarira.

Pour faire suer les malades.

Semence de lin fant prendre & la cuire en eau d'icelle tiede laue les pieds & les mains du malade, puis la mets chaude en vn drapeau de lin dessus son estomat, & fera venir la sueur, & appaiser la douleur de toutes sortes de fieures en la chaleur.

Note ce qui s'ensuyt, generale-
ment contre toute fieure.

Prends neuf racines d'yebles de la longueur

comme d'un doigt, puis les broye & destrempe en vin blanc, ou ceruoise, & le patient boiue de ce à ieun, deuant son acces & apres ne dorme point par tout le iour & vse le iour de legers bruuages & viandes.

Et note qu'abstinence est le souuerain remede contre toutes fieures, mais qu'elle soit faite par attrempance.

¶ Contre fieure tierce.

Prends ius de laictues, & d'icelles le patient en boiue à ieun par l'espace de trois iours naturels.

Autrement, prends ius de plantain, & à ieun en boiue le patient, & il guerira.

À ce mesmes prenez trois fueilles de morelle, ou de iombarde & soit broyée ou destrempee d'eau commune, & d'icelle boiue le patient à ieun, & aussi il guarira.

Autrement prends langue de Moineau, & en metz emplastre sus les ioinctures des mains & sus les poulx.

¶ Contre toute fieure.

Prends un demy verre de ius de mente, & melle avec demy verre de vin & de ce destrempe tiriaca à la quantité d'une noix aueline, &

de ce auant l'Acces boiue le patient, & ceste medecine continue par trois iours sans interuale, & to'les matins en boiue plein vn verre ou enuiron, mais note que ladicte medecine ne doit estre prinse sinon apres le septiesme acces & non point deuant.

Autrement messe ius de molena, qui autrement est dicte taphus barbarus, avec de bon vin blanc, & de ce deuant l'acces boiue le patient, & il sera guarý.

Ce mesme faict le ius de mille fœille, meslé avec vin & aussi le ius de Camomille.

Autrement, messe ius de Camomille' avec huyle d'Olif, & de ce oingts les reins du malade deuant le feu, & aussi les poulx des bras & à ce mesme faict eau de vie si les membres en sont oingts. Et ceste mesme chose fait huile de Genieure, & l'eau faicte d'iceux, distille par l'alambic.

Contre toute chaleur de Fieure.

Prenez fueilles de saux, fueilles de morellé, fueilles de plantain, & fueilles de Lombarde. Anna, & les cuisez ensemble avec de bon vin aigre : puis les broyez avec huyle Rosat, & en soit faict emplastre dessus l'estomach.

Remede pour couperose, ou rougeur de visage.

Faut bailler soir & matin, ou boyre Syrop violat, ou de grenade, avec iij. doigts d'eau d'endive en vn verre, ou d'eau bouillie refroidie, & au lieu dudit Sirop suffiroit boire des eaues d'endive, sycorée, pourpié, & nenufar : Puis soient trempez lignes eau d'alun faicte comme sera enseigné cy apres, lesq̃lz linges soient mis sus la rougeur, & souuent renouuelez.

Eau d'Alun.

Prenez vne liure d'alun de glats, ius de pourpié, de plantain, & de aigrats de chacun vne chopine, avec vingt aubins d'œufz, lesquelz soient fort battus avec ledict ius, puis le tout meslé ensemble soit mis envne chapelle pour distiller, & soit l'eau reseruee comme dessus. Et icelle vaut à toutes demenge sons, eschaubouilleures, petite gratelle & chaleurs, qui auiennent sus le cuyr.

Autre remede.

Prenez LITARGE d'argent, & SOULPHRE elegamment de chacun, & les faictes bouillir en eau rose, & en vin Aigre, puis avec vn linge trempé audict Vin aigre, faictes application sur la partie dolente, c'est à

ſçauoir au lieu de la rougeur.

Remede palliatif pour la couperoſe incurable.

Soit faiſte eſtuee avec fleurs de Caminette violettes de mars, roſes & fleurs de nenufar: puis oings le lieu d'oignemens blanc, Canfre mixtionné avec oignement citrin, Soulfhre & vn peu de viſ argent eſtainct, avec ſaliue d'homme à ieun.

A ce meſme.

Vaut laiſt virginal, eau roſe Soulfhre huyle tartare, & huyle de torment: leſquelles choſes pareillement aydent à darter & autres de fedations de cuyr. Meſmes lediſt laiſt virginal ſert à embellir la face & deſſecher les puſtules virulentes, & à deſtruire les lentilles du viſage & autre lieux. Et ce faiſt cōme enſuyt.

Laiſt virginal.

Prenez trois onces de litharge d'argent ſubtilement pulueriſé, demie liure de bon vin aigre blāc, bien meſlez enſemble, & puis miſes diſtiller par vn feutre, ou par vn petit ſachet, ou par vne petite piece de drap, puis ſoit prinſe icelle eau, & meſlée avec eau de Sel, faiſte avec vn once de Sel bien pulueriſé, & demye

d'eau de pluye ou fontaine. Et soyent lesdictes deux eaux meslees ensemble: alors deuidront blanches, en la maniere de lait: & de ce soit frotté le lieu infect. Plusieurs bouillent par soy: litharge avec vin aigre: & aucuns adioustent vn peu de seruce, qui vaut aussi semblablement à toutes rougeurs de visage.

Regime pour toute couperose.

Faut soy abstenir de toutes choses fort salées, espicées, frites, & roties, & aussi de boire viu pur & mauuais, & de menger Ailz, oignons, poreaux ou mostarde, & toutes herbes chaudes. en lieu desquelles on peut vser de pourpié, vinette, Laitues, bourraches & Hobelon avec scariole en potage, ou autrement. Outre est besoing auoir bon ventre, & en dormant tenir la teste haute.

Pour rougeur de visage qui n'est pas couperosé.

Prenez vne pinte de lait de Chieure, la mie d'un Pain blanc chauld, six Aubin d'Oeufz deux drachmes de Canfre, & le ius de six cytrons, destrempez le tout avec ledict lait

puis prenez de trois sortes de Plantain & faites distiller à petit feu comme eau rose : laquelle vous garderez en vne fiole de verre, durant le tēps de quinze iours: apres lesquels prenez vn linge blanc que vous destrempez en partie de ladiſte eau, & le mettez ſus ladiſte rougeur.

A ce meſme.

Vaut eau Nenufar, diſtillée avec ſang de bœuf, & vn peu de Canfre.

Vaut oignement de Thurie, & huyle de moyau d'œufz, auſſi eſt fort bon lauer le lieu d'eau d'orge, & de plantain enſemble.

Pour chancre vlcere, & noli
me tangere.

Pourtant que noli me tangere aduiēt communement au nez ou en la face: d'vne petite excroiffance ronde, dure, & douloureuse, declinante à couleur de plomb: on doit iuger la choſe perilleuſe. Ce nonobſtant il eſt bon de faire oignement comme enſuyt, & l'appliquer deſſus.

Prenez vnguent, blanc Câfre deux ou trois onces, ius de plantain, & morelle, de chacun

demye once Thutie le poix de demy Escu, soyent incorporez ensemble, puis en fais oigne
ment

Remede tres certain pour debilité de veuë.

Prenez Fenouil, Verucine, Esclere. rue, eufraze & roses, de chacun esgalement: & faictes distiller en la chappelle comme eau rose: puis de ladicte eau mettez vn peu soir & matin dedans les yeux du malade.

Autrement.

Prenez mie de pain blanc, enuiron vne once, & la faictes bouillir en eau de morelle, puis incorporez avec ledict pain deux moyeux de œuf, huyle rosat, & Caminette, de chacune vne once & demie, muscilaige de graine de lin vne once: & appliquez cōme dessus est dict.

Pour toutes rougeurs des yeux.

Prenez gros comme vne petite noix de couperose blanche & vn scrupule d'yris de Floréce, & soit fait pouldre: qui avec vn verre d'eau de fontaine soit biē meslée: puis mettez deux ou trois gouttes dedans l'œil.

A ce mesme effect.

Vault eau de Frezes faicte en ionchée mise dedans l'œil.

☞ Contre hydropisie.

Prens racines d'hyebles, & la faites bien bouillir avec du vin blanc : puis en donnez à boire au patient, & il guerira.

J'ay aussi (disoit il) cela entre les secretz pour les Hydropiques qui ne peuvent suer.

Baille au patient le matin a boire le suc d'une raue ronde bien pillée au mortier, & puis pressée avec du sucre ou canelle, a fin qu'il sente autre chose que la raue, puis le couche bien couuert & il suera.

☞ Contre la maladie & fourdesse des Oreilles.

Il te fault prendre fucille de Cucumer sauvage, & en tire le ius par broyer, & d'iceluy metz en l'oreille douloureuse, & il en osterá la douleur.

Autrement prens laitues & les broyes avec vn petit de sel, & en fais emplastre.

Autrement prens l'aubin d'un œuf, & le broye tresbien puis fais emplastre d'estoupes de chanure, & les mouille dedans puis les metz dessus l'oreille douloureuse.

Autrement prens vrine d'enfant qui sera du sexe du patient & la chauffe, puis la metz dedans l'oreille du patient, & cela osterá toute la douleur.

Autrement broye Canelle & la destrempe en huyle d'Oliue, & la metz es oreilles du patient & ce osterá la douleur & sourdesse.

En ce mesme prens huyle d'amendes ameres & huyle de Genieure, huyle de Sinapis. Aussi mesle tout ensemble, & puis luy mets es Oreilles, & ce pareillement osterá la sourdesse & douleur.

☞ Remede singulier, qui oste toute douleur des dents, spécialement de cause chaude.

Prenez racine de iusquiame, autrement dite Hannebanne, & la faictes bouillir en vin aigre & eau rose: puis mettez dudit vin aigre dans la bouche du malade, & cela luy donra guarison.

☞ De cause froide.

Pourtant qu'en telle cause, souuent distille eau en la bouche le patient doit prendre Pillules cochées: pour luy purger la Teste & puis doit tenir en la bouche vin chaud, ou

ait bouilly pyretre, mente & rue.

A ce mesme.

Prenez Saug & pyretre, & les faictes bouillir en vin aigre: puis en mettez dedâs la bou-bien chaud & il guarira.

Autre remede.

Prenez pyretre, staphizagre, & des trois sortes de poyure, de chacun egalement Mafsis & Galingal, la moytié moins que des autres: en soit faict poudre pour froter les dents avec vin blanc.

Autre remede.

Prenez escoice moyenne de Suz, Sel & Poyure, autant d'vn que d'autre, & tout ensemble pillé, soit mis contre la dent dolente,

Autre remede.

Prenez vn pen de coton & le trempez en huyle d'aspic, puis le mettez sus la dent douloureuse, mais si la dent est creuse, bon est la faire arracher.

Autrement, a ce mesme prens lait de Chieure, & y mouille ton doigt dedans & d'iceluy doigt touche la dent malade, & peu apres elle cherra sans douleur.

Autrement.

Prends poudre de Poyure, & seméce de rue puis les destrépe dans vin aigre qui soit chaud & que le patient en laue sa bouche, & ses dets & il sera guarý.

A dessecher les leures.

Broye mastic, & le destrempe d'aubins d'œufz, & le metz dessus, & elles seront consolidées & guaries.

A ce meisme broye Celidoine & du ius d'icelles oingts souuét tes leures, & elles se guariront, car Celidoine guarit toute maniere de chancre.

Pour faire restraindre le sang de quelque playe.

Prends Feues, & leur oste leur escorce, & en faisets poudre: & d'icelle pouldre mets au lieu dont le sang fluc & vient.

Autrement prends ius de miel, fucille ou ius d'ache, & d'orties griesches, & de ce boiue le patient, & tantost le flux cessera.

Poudre de Sauge mise dessus la playe restrainct le sang, & si guarit la playe.

Autrement prends pouldre de coural rouge & de la poudre de Iaspe verd, & de la pouldre de Canelle.

A ce mesme valent aussi Orties broyées, avec du Vin aigre, & desquelles soit fai-

emplastre pour mettre dessus le chef.

Contre vomissement de sang.

Il faut prèdre le ius de Sauemonde, qui autrement est d'ete l'ague de moyneau & la dōne à boire au patient, & il guarira

Item poudre faicte de meures seches men-gée par le patient est le souuerain remede.

Contre crachat de sang, prens gomme de peschier, ou d'amendier, & la destrempe de vī blanc, & de ce boiue le patient.

Contre la toux.

Prens noysettes de Coudrier, & leur oste l'escorche en eau chaude, puis les broye & destrempes en vin blanc & au matin & au soir, boiue le patient à ieun & il sera tantost guarý, de toute toux, vieille ou nouuelle, tāt soit elle mauuaise. Et autremēt broye los d'vne seche & le destrempes en au chaude, puis en dōner à boire au patient, & il guarira.

A ce mesme vaut langue de mouton mangée par le patient, car elle guarist la toux.

Remede contre la toux, qui prouiēt de cause chaude.

Prenez Syrop violat, & de iuiubes : & en donnez à boire au patiēt, soir & matin , avec tyssanne, ou en eau bouillie, & il guarira.

A ce mesme.

Vault electuaire diagragant à prendre soir & matin vne lozêge, puis apes en boire trois doigts, ou plein vn verre de bonne ptisane.

Contre la douleur d'estomac
& de ventre.

Prends poudre de Coral rouge, & la deslrempe en eue de pluye ou de Cisterne & en fais boire au patient au matin & au soir, & il guaira.

Autrement prends racine de Serpentine verde ou seche, car il ny a point de danger si elle est verde ou seche, car il n'y a point danger si elle est verde ou seche: & dragée commune le tout broyez ensemble: & de ceste confection en mange le patient, puis apres boiue de tres bon vin & cela luy otera toutes les douleurs de l'estomac, & du ventre, & toutes les opilations & torsions.

Aussi est bon prendre deuant le repas Anis & Fenail, & au cōmencement de la refection prendre vne rostie, trempée en vin cuyt: ou bon ne maluoisie, sans boire dudit vin, si ce n'estoit biē peu. & à la fin du repas.

Faut faire abstinence & sobrement manger legeres viâdes peu boire, & ne boire que bon vin, & purger souuent le ventre.

Il est à noter que si la personne ne peut prendre purgation pour euacuer suffisamment la repletion de son estomac, qui empesche la digestion du manger : elle doit prendre vn Clystere puis vne pilleule elephagine, ou d'yera simplici, deuant disner, ou souper. D'auantage est à entendre si deuant manger on sent pesanteur en l'estomac, on doit prendre l'vne desdictes pilleules demye heure deuant le repas.

Pour flux de ventre.

En flux de ventre faut veoir lection, car si le malade rend son manger par bas comme il a prins, ou demy digeré, ledict flux est appelé lienterique. Si humeur ou aquositez sont euacuées par bas, ledict flux est appelé Dyaire, qui vault à dire comme flux humoral, & si sang ou sanie apparoit aux egestions du malade, tel flux est appelé dissenterie, lequel est tres perilleux.

Remede pour flux lienterique.

Pourtant que tel flux vient le plus souuent de la debilité de la vertu retentive de l'estomach, pour la grande humidité, il est conuenable bailler sirop d'absinte, & miel Rosat pour

prendre par quatre ou cinq matins, avec la cueillier: ou boire avec eau de betoyne, Fenoi & Aloyne, & si le patient à vouloir de vomir il se doit ayder. Aussi s'il n'en a enuie, il doit prendre demie once d'yerre simple, avec deux onces d'eau d'absinthe: en y adioustant si ledict patient est robuste deux dragmes de dyafenicum. Apres fault conforter l'estomac par huile de masti, caspic, mête, aloyne, ou nardin: ou par emplastre appelé serotum galeni, estedu sus du cuir, & mis sus l'estomac, ou faire sachet d'Aloyne, Mente, & Mariolaine seiche portée dessus. Le matin est bon prendre vne lozenge d'aromatic rosal, ou vn peu d'escorche de Citron confit, & deuant chacun repas fault prendre vn morceau de cotignac.

Remede pour flux humoral.

Ledit flux ne se doit restraindre deuant le quatriesme iour, si nature n'en est affoiblie: & aucunes fois prouient de cause chaude comme de colere. Adonc on doit bailler au malade a boire hors ses repas, Syrop de rybes, syrop rosal, ou syrop de Coing: avec eau ferrée. En lieu desdits syrops on doit bailler le iuleb qui ensuit.

Premierement eau Rose, buglose argnogle de chacun demye liure, de tous les sandaux deux drachmes, & avec quarteron & demy de sucre faictes de iuleb Le matin deux heures deuant manger, est conuenable donner au malade de la conserue vieille, de Roses, ou vne drachme de troisciz de roses : & puis boire de l'un desdictz syrops, ou de Iuleb rosal, avec eau ferrée, duquel pareillement le malade peut boire à toutes heures.

Si audict flux y a matiere aigue & pungitiue, & la vertu du malade constante, on doit bailler lauent, lequel s'ensuyt.

Prenez Roses rouges, orge & plantain, de chacun vne poignée, & faictes decoction : & en la colature mettez deux onces d'Huyle Rosal, vne once de miel Rosal, & vn moyau d'œuf : & luy baillez tiede en maniere de clystere.

Aucunesfois conuient prédre medecine par la bouche, & se doit faire comme s'ensuyt.

Prenez escorche de mirabolâs citrins bruslée vne dragme, reubarbe peu bruslée dessus vne thuille, demy drachme syrop de coingts vn once, eau de plantain trois onces meslez tout ensemble, donnez tiede à boire quatre heures deuant manger. Apres faut bailler

clistere reſtraintif comme ſ'enſuit.

Prenez huile Roſat, de coings & maſtic de chacun trois onces, bolyarmeni en pouldres deux dragmes meſlez enſemble, & baillez tie de comme clyſtere.

Autrement,

Prenez ius de plantain, de pourpié de bource a paſteur, & huile de coings, de chacú trois onces meſlez enſemble, & donnez comme deſſus.

Et ſ'il y a excoriation aux boyaux, baille clistere qui ſ'enſuit.

Prenez demie liure de laiſt ferré d'un carre au d'acier, ius de plantain, & huile de coings de chacun deux onces, bolyarmeni vne dragme, & ſuit de bouc vne once, & faites clistere par dehors, on doit frotter l'eſtomac de ceſt oignement.

Prenez huile Roſat coing de mirtilles, de chacun vn once, huile de maſtic demie once, poupre de Coural, & noix de Cypres de chacun vne dragme, meſlez tout enſemble avec Cyre, & faiſtes oignement.

Il eſt à noter que les Clisteres qui ſe font pour reſtraindre doiuent eſtre baillez en petite quãtité.

On peult ayder au malade de flux dissenterique, luy baillant les choses cy dessus mises pour flux Humoral, & prenant deuant ses repas deux dragmes de gelée de Coings ou de mine de coings : & doit boire eau ferrée d'un carreau d'acier, & euitier pluralité de viâde, & se doit tenir en repos, & dormir longuemēt : & luy seroit bon vser gruaue orge monde, & laict d'amende, avec vn peu d'amidum & mettre ventoses sus le ventre, sans incision qui aussi pareillement est cōuenable en tous flux de ventre.

Si ledict flux Humoral procede de flegme ce qui appert aux egestions qui sont flegmatiques, on doit bailler par trois ou quatre matins Syrop d'aloïne, ou de mente : & puis prendre purgation comme s'ensuit.

Prenez deux dragmes de Mirabolans kebulz bruslez, demi scrupule d'agaiotrocique, demie once de Syrop de Mente, ou deux onces d'eau de melisse, & faites potus, lequel soit baillé au patiēt, trois heures deuant manger.

Si voulez faire Iulep, prenez eau de mente & de Melisse, de chacune demie liure, & vn quarteron de sucre : puis soit fait Iulep duquel on pourra boire soir & matin, long du

repas, à chacune fois deux doigtz dans vn verre, ou autre vaisseau semblable.

Tous les matins est bon prédre vne lozenge d'Electuaire qui ensuyt.

Prenez poudre de dyagalange dragme & demye, de Coural rouge & mastic de chacun vn scrupule, trocisce de terre salée demyedrachme, escorce de citron confite, & cotignac, de chacun trois drachmes, sucre dissout en eau de Mente quatre onces, & soit fait electuaire. Huile d'absinche, Mente, Nardin, & Mastic, sont conuenables à frotter le ventre & l'estomach pour ledict flux. Aussi conuiennent les choses dessusdictes au flux lienterique, & prendre deuant tous les repas vn morceau de cotignac. Vin rouge est bon en tel flux, pour boire au repas, avec eau ferrée, & pareillemēt toutes espices.

Pour faire fondre les escrouelles.

Prenez du ius de mente sauuaige, meslez le avec du vin, & puis vous en gargarisez souuēt & le mal se fondera.

Pour guarir les escrouelles.

Prenez de la farine d'Orge, de la poix liquide de la Cire, & huile egalles portions: meslez tout ensemble, & le faites bien cuire,

& y mettez vn peu d'vrine d'enfant, en la remuant fort: puis vous l'appliquerez sus le mal en forme d'emplastre, & il guarira.

Contre arreste de poisson
estant en la gorge.

Prenez de la Peruenche, & en liez au tour du Col de celuy auquel y a arreste quelque chose, & qu'il aille dormir, & le matin il sera guarý.

Pour estancher ou appai-
ser la soif.

Prenez de l'eau & de l'huy le meslez ensemble faictes la vn peu eschauffer, & la beuez, & incontinent vomissez la. Et s'il est necessaire, vous ferez cela de rechef, & ce appaisera la soif.

Autrement.

Prenez vn moyeu d'œuf de poule, à demy cuit, & le meslez avec huile, & puis l'aualez, & ce vous osterá la soif.

Pour oster la puanteur des
aisselle.

Prenez du benioin bié vieil, faictes le pulueriser & cribler: puis en frottez les aisselles, & elles sentiront bon.

Contre apostumes venans à la
racine des ongles.

Prenez vn gland broyé avec du Sauon, &
mettez cela dessus, & ilz guariront.

Autrement & pour les ongles
meurtries.

Prenez de la Guimaue & de la graisse, avec
du pain meslez tout ensemble, & le mettez
sus le mal & pour vray il guarira.

Pour faire reuenir incontinent les
ongles estans tombez.

Prenez de l'herbe dicté Quintefueille, & la
broyez avec quelque graisse que ce soit : puis
mettez cela sus le lieu & l'ongle reuiendra in
continent.

Contre males dartes.

Prenez de la racine de Guimaues faictes
la cuire en vin aigre. & y mettez avec du Lu-
din, ou gresses, & faut que cela cuise tant qu'il
decroisse iusques à la tierce partie: & puis en
oignez le mal & soudain sera guarý.

Contre vlceres estant depuis le
genoil iusques en bas.

Prenez des ailz & les faites cuire, & d'icelles
decoctiõ bassignez souuēt la iâbe, & guerira.

Pour faire bonne digestion.

Prenez de l'hysope faictes le cuire avec de Loximel, qui est vne cōposition faicte de miel, eau, & vin aigre, puis dōnez en vne cuiller pleine, auāt desieuner, to' les iours, ou aps le repas, & la digestion se fera plus facilement

Pour faire bien digerer.

Prenez vn peu de bon & vray benioin broyez le avec vn peu d'eau froide, & donnez cela à boire quand on se va coucher, & la digestion se fera parfaictement.

Contre douleur d'entraille.

Prenez semence de lin, & semence de fenoil parties egales, & faictes cuire cela avec eau douce ou emiellée, & appliquez celle fomētation dens vn linge chaud sus le ventre, & ce osterà toute la douleur.

Contre la douleur de cœur.

Prenez cire huyle cyprin, dict d'alkana absince, ou fort blanc, de chacun demye liure, pillez l'absince, & fondez la cire: puis mellez tout ensemble, & de ce mettez sus l'endroit du cœur en forme d'emplastre & cela osterà toute la douleur.

Contre battement de Cœur.

Prenez de L'ambre qui soit bon, iettez le dedans eau bouillante, & y laissez, & ce faict trois iours durans donnez vn plain verre à boire de celle decoctiõ tiede cela est bõ pour les gens, & pour les bestes.

Contre enfleure de foye.

Prenez trois onces de racines de Enula câ pana, & les faictes cuire avec trois septiers d'eau, tant que le tout reuienne à la moytié. Et quand la douleur pressera, vous en donnerez à boire au malade, enuiron chopine, trois matins durans, & il guarira.

Pour douleur de foye.

Prenez de la poiurette ou mielle, enuiron le plein d'vne cuiller, broyez la puis en donnez à boire avec vin doux tiede, auant d'esjeuner, & ce osterà la douleur.

Contre douleur de ratelle.

Prenez vne dragme de racine d'enula campana, seiche puluerisée, puis passée bien menu, puis la donnez avec du vin vieil à ieun, & guerira la douleur de rate.

Autrement.

Prenez des noix de gales, & les mettez sus les charbons allumez, & le laissez vn peu bruster, tellement que quand vous en vou-

Prenez faire poudre, il sente écores la gale: puis prenez d'icelle poudre vne pleine cueillere & la donnez a boire avec du vin vieil & ce profitera merueilleusement.

Autrement.

Prenez la racine de Cyclamen, dicté pain de porceau. & la pendez au col, tellement qu'elle soit liée contre le mal de la rate, cela osterà la douleur.

Contre douleur de costé

Prenez du Glayeul, dicté de la flâbe ou bié du muguet (qui sont herbes) & liez telle herbe au costé toute entiere, & ce osterà la douleur.

Contre douleur de grauelle,

& pour faire vriner.

Prenez vn peu de pierre d'Ambre, de la racine de Cyperus ou fouchet, & du poiure, piles tout cela puis cuisez le, & de ce donnez en vne pleine cueillere ou enuiron, auant desjeuner, & il fera pisser, & appaiser la douleur de la grauelle.

Contre douleur de rains

Prenez de la racine de symphytum, dicté consyre, broyez la bien puis faictes la cuire avec du vin, & donnez cela à boire au malade, & il

guérira. Aucunes fois on faiſt cuire cela tant qu'il deuient eſpes comme emplastre, laquelle chose on met dessus les reins, & ce profite grandement.

Contre grauelle.

Prenez racines d'asperges de la Saxifrage, la racine de bardane, la racine d'ache, la racine d'hyeble, trois testes d'ailz, des fueilles de sauge, & vn peu de persil macedonique, pilez toutes ces choses, & les meſlèz eſemble: puis en donnez à boire trois matins avec du vin cuit, ou avec vin doux, ou mielle, & ce le fera pisser la grauelle.

Contre la douleur des entrailles.

Prenez de la rue, & la faiſtes cuire en vin aigre ou en eau & de celle decoctiõ tormentez le ventre, & mettez l'herbe chaude dessus le nôbril & ce appaisera soudain la douleur.

Pour guerir ceux qui iettent le sang par le fondemēt, & pour ceux qui ont le sang corrompu.

Prenez le songeō des orties griesches, ou gringes, & qu'ilz soient bien tendres broyez les fort en vn mortier, puis tirez en le ius, &

le donnez à boire seul, ou avec fort vinaigre, & eau froide, trois iours durans, & le matin n'y aura sang corrompu qui ne soit purifié ny flux qu'il n'arreste.

☞ Contre les vers qui s'engendrent dans le corps des hommes.

Prenez de l'herbe nommée aluyne, ou absince ou fort blanc, & la faictes cuire toute verde avec eau commune, iusques à ce qu'elle vienne au tiers, & donnez de celle decoction à celuy qui a des vers & il les iettera dehors.

Autrement.

• Prenez de la luyne, ou fort blanc sec, & le mettez en poudre puis la meslez avec du miel, & la donnez a manger, & cela aussi fera sortir les vers dehors.

Autrement.

Prenez des ailz, & en faictes manger trois iours durans le matin a celuy qui a des vers, & ce les fera mourir & dechassera.

Contre douleur de ventre venant subitement.

Si par fortune vo' allez en quelque lieu, & en cheminât la douleur de ventre vous surprend prenez subitemét de vostre vrine, & en mettez en vostre bouche & incôtinét vo' serez guery.

¶ Contre toutes maladies des entrailles
venans de froid, de labour, ou par
faute de digestion.

Prenez escorche de la racine de rapsus bar-
batus, dit bouillon blanc, broyez la, & passez
par vn linge le ius d'icelle, lequel ius vous
donnerez a boire avec eau miellée, & vin
cuit & ce le guarira.

Contre espraintes, ou desir infatia-
ble d'aller à la selle avec
peu d'effect.

Prenez du lait du vache cuit, & en donnez
souuent à boire au malade & il guerira.

Contre douleur des rains,
des háches & du rable.

Prenez de la germandrée dicté chamepitys
ou chesnettes, broyez la, & en donnez trois
iours a boire avec du miel, le matin & soudain
sera guery, celui qui en vsra.

Contre douleur de rable,
& des hanches.

Prenez de l'herbe dicté chamepitys, ou ius
muscat e, broyez la & la dōnez a boire au ma-
lade avec du vin, & celui profitera singulier

Autrement.

Prenez de la racine d'Asperge, & la broyez
& en donnez à boire au malade, avec du vin
& il guerira.

Pour appaïser la douleur des
roignons, & des reins.

Prenez de la laine avec sa sueur, trempez la
en poix liquide, puis la mettez dessus le nom-
bril, & soudain la douleur cessera.

A ce mesmes.

Prenez de la racine d'Asperge, pilez la avec
du vin, & puis la donnez à boire au malade, &
ce le guarira.

Remede souuerain contre
Goutte sciatique.

Prenez des branchës de Geneste, & les met-
tez tremper long temps dedans du vin aigre,
puis apres broyez les, & les espraignez : & du
ius qui en sortira faictes en boire au gout-
teux, dedans vn gobelet plein, tous les ma-
tins, iusques à ce qu'il soit entierement gua-
ry.

Pour guarir les hemorroides,
& ceux qui perdent leur
sang.

Prés des poreaux broyez les fort & en tirez le ius que dōnerez a boire au patiēt auāt deſ- ieuner, & incōtinēt ceſſerōt les hemorroides.

Autrement.

Penez de la greſſe de Cygne & en donnez à boire au patient ou bien oignez en les he- morroides, & cela le reſſerrera.

Pour le fondement ſortant hors.

Prenez du ius d'hyebles & en oignez tout autour du boyau ſortant hors & ſoudain ſerez guarý.

Autrement prenez de la veruaine, & la faites cuire avec du vin puis prenez d'icelle deco- ſtiō & vn peu de Lixiue douce, & de cela tout chaud lauez le boyau ſortant, incontinent il ſ'en retournera.

Contre bleſſure, ou eſcorcheure de
peau par eſchauffement & par
long chemin es piedz, ou
entre les cuiſſes.

Prenez vn mortier de plomb, & vn pilon auſſi de plomb, mettez en iceluy mortier de l'huyle Roſat, & vn moyeu d'œuf leſquelles choſes vous moudrez tant qu'elles ſoient eſ- paiſſes, & qu'il y ait quelque portion dudit plomb meſlé avec lediēt vnguent. Et quand il

sera espais comme emplastre, vous l'estédrez sus du linge doux & prim, puis le mettrez sus le mal, & continuez cela par trois iours iusques a tant que l'escorchure soit guarie.

Contre douleur de piedz.

Prenez du plantain, & le broyez avec de la graisse, & le mettez dessus la douleur & il la fera cesser.

Pour soudainement appaiser la douleur des Gouttes.

Incontinent que les Suins ou Soyers commencent à ietter fueilles prenez en vne liure & les broyez: puis prenez vne liure de racine de plantain, lesquelles vous pillerez, & ce fait prenez vne liure de graisse, ou vieil oing nettoyez la, puis pilez tout ensemble, & de ce oignez en les piedz, & puis mettez dessus vne fueille de choux, & soudain la douleur cessera.

Onguent pour goutte.

Prenez vne Oye grasse, qui soit plumée & nettoyée du dedans, puis farcie de chatons bien nourriz, hachez bien menu, avec du sel commun: puis soit rostie à petit feu, & ce qui sera distillé soit retenu pour faire onction.

Remede pour iaunisse.

Prenez quatre onces d'eau de raphan, & en donnez a boire par cinq matins enuiron trois heures deuât manger, en lieu de laquelle faut boire tous les matins quatre autres onces de la decoction de marrouchin, faicte en vin blanc: ou autant de la decoction de poix chiches, & racines d'asperges.

Autrement prenez Lombriz de terre, autrement ditz achez, & les lauez en vin blanc: & les faictes seicher, puis en donnez a boire au malade parmy vin blanc & il guerira.

Autrement.

Donnez a boire par sept ou huit matins deux ou trois doigts dans vn verre, de la decoction de politric, ou de capilli veneris. Aussi pouuez donner de la decoction de vaulucte, ou de l'eau distillée en chappelle, car souverainement est bonne pour ceste maladie.

Autre remede singulier.

Prenez du lait de vache & du vin blanc de chacun vne pinte, & les faictes distiller en la chappelle, & gardez l'eau vn mois: puis en donnez au malade trois onces au matin deux heures ou enuiron deuant manger, & autant à son coucher, & il guarira.

¶ A ceux qui pissent la nuict soubz
eux en dormant.

Prens semence d'ortie tant que seroiēt deux
cuillerées, fais en pouldre & puis prens encor
du mastic autāt que seroient deux grosses feb-
ues: & fais en poudre biē deliée, puis prens de
la paste gros comme le poing, & incorpore ou
pestriz lesdictes poudres dans ladiēte paste: &
en feras vn torteau bien delié & tenue, le-
quel mettras cuire au four, & quand sera cuit,
fais en trois parties, lesquelles tu feras pren-
dre au personnage par trois iours au matin, &
les trois pieces mengées, fais encor de rechef
vne tourte comme dessus, & ainsi cōtinue ius-
ques a quinze iours tu en verras l'expériēce.

Contre toutes gouttes de quelle sor-
te qu'elles soient, ou de la ve-
rolle ou autrement.

Prens de cannes d'hyebles des plus grosses
& plus fermes que pourras, oste leur la moel-
le qui est dedans, & au lieu de ladiēte moelle
metz vne quātité de vers ou lōbriez qui crois-
sent soubz terre, & encor de l'huyle commun:
estouppe tresbien lesdites cannes de costé &
d'autre, & les metz seicher dās le four, l'espace
de demye heure ou enuiron: puis oste l'huyle

dé dedans & la garde comme baume pour ton besoing.

Remede tresbon quand tu yras

en lieu suspect de peste.

Prends perles fines pilées, coral fin, ambre gris & musc, de chacun cinq grains, demie once de clou battu, avec racine de câpane. fais vn sachet de Sandal cramoisi, & mets les choses susdictes puluerisées dedans & te les applique sus l'estomac, cela te gardera tres bien.

Pour faire vne pomme d'odeur,

qui serue contre la peste.

Prends laudanum fin purgé demie once Storax calamite fine trois onces, mirrhe & girofle cinq drachmes, suc de valeriane vne dragme, musc fin & ambre gris vn carat ce qui se doit piller, pile le bien delié, & le passe avec l'estamine, & les gômes mets les au mortier chaut avec le pilon aussi chaut & pile tresbien, tant que tout s'incorpore ensemble: puis iette sus, ius de melisse & de buglose, & ainsi fais ta pomme laquelle en danger de peste porteras en ta main.

Remede notable pour mettre sus la peste.

H iij

Prers vin aigre bien fort, eau Rose Saffran, Arsenic, & melle tout ensemble & continuellement mouille de ceste confectiō le lieu ou tu auras mal, avec vne piece d'escarlate teinte en greine. Cela a esté approuué par la grace de Dieu.

Remede pour ayder vn malade abandonné des medecins, pour auoir esté trop long temps à la diette.

Prens vne quantité d'œufz frais, & en oste la glaire, & le bas bien fort, & mouille toute la personne de ladicte glaire, en le frottant avec la main entre deux feux & ceste glaire entrera toute en la chair du malade, en luy donnant substance, de sorte que cela le fera retourner en sāté: & apres que tu l'auras tresbiē fait frotter fais le porier au liēt & tu verras qu'a cause de la substance de la glaire qu'il aura prinse, commencera à prendre appetit.

• Restaurant pour ledict malade.

Prens l'eaue d'vne bonne poulle: distillée en l'alambic, & y metz dedans du sucre, & ce baille au malade. Item prens vne geline & la fais cuire en tresbon vin blanc, & la fais tant

bouillir qu'elle se defface toute, puis apres es-
 praints la, & ainsi esprainte remets la de re-
 chef a bouillir vn peu dans le vin, apres coule
 le brouet de ladicte poule, & prens vn moyeu
 d'œuf & le deffais dedans ledit brouet aupres
 du feu, & puis fais prendre de cela au malade,
 & il guarira.

¶ Contre la pierre.

Prens sang de lieure, & en la peau du lieure
 dont tu l'auras prins remets ledit sang, & l'é-
 uelope tresbien, & le metz seicher au four:
 puis fais en poudre, & de la poudre dudit sang
 & peau ensemble puluerisée baille a boire au
 malade tous les matins avec le brouet d'un
 poulet, & tu verras grande experience.

Pour faire pisser la grauelle.

Prens crottes de souris poudroyées, & en
 baille a boire avec du brouet, le matin à ieun
 au patient, & il guarira.

Pour faire reprendre, & guarir playes ou loup des lames. *Esposme*

Prens vne once de tourmentine, & vn iaune
 d'œuf, & les mesle avec vn petit de cire neuf-
 ue & vn peu de sel: & fais onguent: & cela fera
 reprendre la playe incontinent.

¶ Pour guarir les rubis qui viennent sus le visage.

Prens sain de porc & du souffre, pile le tout ensemble en forme d'onguent, & t'en oingts & tu guariras.

Autrement prens eau faicte de fucilles de pescher & de fucilles de Saulx, autant d'une comme de l'autre, mouille tes rubis de celle mixtion & tu guariras: mais les eaux doiuent estre distillées.

¶ Contre trenchées, expressions & flux de ventre.

Prens vne teste de mouton & la fais bouillir avec de l'anis, puis prens le brouet coulé & y metz dedans demie esculée d'anet & du tout fais vn clystere, car cela est bon a plusieurs douleurs de boyaux.

Pour guarir les broches.

Prens pois gris & en fais farine, & pestris la avec du miel creu, & de ce oingts les broches deux fois le iour tu seras deliuré. Item l'huyle de petrolle fera le semblable.

¶ Pour tirer vn fer, ou espine sans aucun ferrement.

Prens choux rauerdis, & recreuz qui soient

bien tendres, fais en ius lequel mettras en cire neuue applique l'onguēt sus le lieu ou est le fer demeuré & tu verras qu'il sortira. Ce mesme faict la gresse de lieure.

Pour conseruer la santé
de la personne.

Prends trois sommetz de rue, & autāt de buterne, pille bien & mesle tout ensemble avec trois doigtz de bon vin, & en bois a ieun tous les matins, tant que durera le mois de May.

Et soye seur qu'il ne viendra mal sus la personne, en beuant lesdictes substāces, & pourtant ne t'esmerueille s'il y ha grandes vertus aux herbes.

Contre douleur de Mammelles.

Prends sein de porceau c'est oing fort vieil trēpe le en eau pour le deffaler : puis prēs oignons cuits aux cēdres, & broye tō oingt avec lesditz oignons, & apres en fais emplastre sus le tetin.

Pour restraindre femme qui est
par trop luxurieuse.

Prends boutoesme fumeterre, & vin aigre & mesle tout ensemble, & fais que la femme en boiue soir & matin.

Pour guarir les hemorroides.

Prens l'herbe qu'on appelle en latin hederæ terrestris, en François lierre de terre, ou herbe terrestre, & la fais bouillir avec bon vin blâc, & en reçois la fumée la plus chaude que tu pourras endurer par la selle percée puis t'en estuuer le fondement de ladicte herbe, la plus chaude que pourras endure: & cela te guarira.

Pour le boyau qui aualle.

Prens ces petites sponges qui croissent aux esglantiers, & les ouures, & tu trouueras dedans aucus petis verins, lesquels mis dedans vne escuelle d'estain, deuiédront tous en eau: laquelle avec autant de vin blanc fault vser par neuf ou dix fois,

Contre la maladie du costé.

Prens de la cygue vne bonne poignée: & la lie comme vn petit fagot, lequel mettras cuire en l'astre, ou dessus pierre chaude, & l'applique chaud sus le mal.

Autrement prens de la racine de brione autrement dicté vigne blanche, & d'icelle taille des pieces en forme de rostie, & les fais rostir, puis les mets chaudes sus le mal.

¶ Contre colerique passion.

Prens des choux avec leurs troncs, &

les fais fort bouillir avec de l'eau seulement, puis fault humer chaud ladicte decoctiō, sans qu'il y entre autre chose.

Contre la verge enflée.

Prends ceruse de l'huyle rosat, avec du ius de pourpié, & mesles tout ensemble, & oins le lieu malade & il guarira.

Autrement cuits bethoine avec du vin blanc, & en laue fouuent le lieu malade

Autrement.

Fais bouillir en vin blanc, de la farine d'orge & puis en laues le dict lieu.

Contre morsure de chien.

Prends poreaux & en tire le ius, & du Sel blanc pilé ensemble, & en frottes & laues le lieu malade, & il guarira.

Contre tremblement de membres.

Prends sauge & la laue, & en menges tous les iours deuant desieuner : ou bois de l'eau d'icelle, faicte en la chappelle.

Contre arseures de feu.

Prends tapyrus barbatus, qu'on appelle en françois molaine, & en metz des fueilles sus le mal deux ou trois fois le iour.

Contre fistules.

Prends Bethoine & la piles, & mets du ius d'i-

celle dedans la fistule : puis fais emplastre de ladicte herbe pilée , & la mets dessus.

Contre les punaises,

Prens l'eau ou lapins seront adoucis , & en mets au lieu ou seront les punaises , & tu verras qu'ilz mourront toutes.

Pour oster & faire mourir toutes dertres.

Crache en ta main, & y adioust vn peu de sel, & frotte la dertre & puis la gratte de quelque chose & prens vne noix vieille & du ius d'icelle frotte ladicte dertre, & elle guarira.

Autremét prés sel armoniac en pouldre & le mesles avec du sauon & en oins les dertres.

Contre les piedz enflez.

Prenez des feuilles de suc, & les faites cuire avec eau & sel, puis en chaudiez les piedz.

Baume souverain contre toute playe.

Prens vne once d'huyle de petrolle , demie once de Terbentine lauée, & autant d'huyle d'olif. deux dragmes de mastic , avec vn scrupule de mirrhe: puis meslez tout ensemble, & en fais baume à petit feu.

Contre la toux.

Pages 125-126 missing

Prends l'herbe nommée millefolium en latin & en François mille fucille, & de ladicte herbe ou de son ius, tu mettras dans les oreilles de celuy que voudras faire seigner.

Pour homme ou femme ayant perdu leur sens.

Prends semence de laictue, & grosses noix, autant de l'un comme de l'autre, & de ce faut faire poudre, & faire opiatre, & que le patient en prenne deux dragmes, par chacun matin, & il guarira.

Contre les Cyrons.

Prends ius de melisse ou de mente, & en laues tes mains.

Autrement prends du souffre, & le metz sur les charbons, & frotte tes mains a la fumée,

Pour ne s'en yurer point.

Mange au matin de la graine de Fenoil ou des amandes douces, ou boy vn beau verre d'eau de fontaine avant que manger.

Pour embellir la face,

Prends des rasures de corne de bœuf, & mesles lesdites rasures avec de l'huyle d'amandes douces, & les laisse tremper ensemble, puis en laue ton visage.

FIN.



TABLE.

L ’entretènement de santé	page 5
La propriété du pain	8
La propriété du vin	9
La propriété des viandes	19
Des champignons	25
Des poix, & lentilles	27
Du Ris	28
Des pesches & prunes, & autres fruietz	32
De toutes sortes d’herbes	34
Comme on se doit regir & gouverner en toute saison.	47
Maniere de faire toute sorte de pillules	59
Maniere de faire toute sorte d’huyles	65
Maniere de faire toute sorte d’eaues	68
Plusieurs autres souverainetez pour toutes maladies.	7

FIN.